

EKANISA Y'EBIBILIA
(The Church of The Bible)

J.C. Choate

ASE OMONWA BW'EKEGUSII

KERIKIRE NA:

John Ositu, Peter Mabeche, na Fred Ositu

World Evangelism Publications

This printing, 5,000 copies, **Ekegussi** - 2023

InDesign Layout: Shane Fisher

Contact Information:

Physical address:

P.O. Box 4078-40200

Kisii, Kenya

Fred Ositu

Phone number: +254702042098

Email: fredositu554@gmail.com

John Ositu

Phone number: +254702927594

Email: john.ositu@yahoo.com

Peter Mabeche

Phone number: +254796584730

Email: petermabeche43@gmail.com

Funded by

World Evangelism Publications

Table of Contents

Ogosoma 1: Engencho Y’ekanisa.....	4
Ogosoma 2: Ogocha Gw’ekanisa.....	7
Ogosoma 3: Ogochakigwa Gw’ekanisa.....	11
Ogosoma 4: Okomanyekana Gw’Ekanisa.....	15
Ogosoma 5: Erieta Ri’ekanisa.....	19
Ogosoma 6: Omoroberio Bw’ekanisa.....	23
Ogosoma 7: Ogoosa Ekanisa.....	27
Ogosoma 8: Ogosasima Gw’ekanisa.....	31
Ogosoma 9: Emeremo Y’ekanisa.....	35
Ogosoma 10: Obomo Bw’ekanisa.....	40
Ogosoma 11: Okwegena Gw’ekanisa.....	44
Ogosoma 12: Omogano Bw’ekanisa.....	48
Ogosoma 13: Ekanisa Ase Ekeru Eke.....	53

Ogosoma 1

Engencho Y'ekanisa

Onde tari orakane ng'a ebibilia tekwanereti igoro y'ekanisa. Korende n'ekanisa yang'o? nkanisa ki? Ekorokwa naki? Amaborio aya nayande amange, nairanerigwe ase ebiro, korende bono ntorigererie komanya ng'a ekanisa ninki.

Tiga tochake ase okworokia ng'a ninki etari, Ekanisa buna ekwaneire ase Ebibilia teri Katoriki, eyabakiprotestanti, gose eyekeyaudi. Teri chidini, teri ekeombe kiegerekari, gose ekeombe kende gienka, naende teri enyomba y'emeyega. Ase ayio onye teri eyemo ase echio, nereri?

Abanto abange tibamanyeti ekanisa ase engencho tibamanyeti ng'a ekanisa ninki. Ase igo tibamanyeti engencho yaye, obuya bwaye, gose emeremo y'ekanisa eyio. Korende Ebibilia egototobia buya kegima ng'a nereri eye. Erieta ri'ekaniisa igo riruete ase omonwa bw'ekegiriki EKKLESIA, engencho yaye ABARANGERIGWE. Ase igo ekanisa nomosangererekano gose okoumerana kw'Abanto barangerigwe, baria barangerigwe korwa ase ense na gosoa ase Oboruoti bw'Omwana Omwanchwa o'Nyasae (Abakolosai 1:13). Nomobere Okristo kemoika (1 Abakorinto 12:27) oyoagachetwe na abamoigwerete Kristo (Abaiberania 5:8-9). Naboigo batorigwe nere na kometwa ase ekanisa yaye (Mariko 16:16; Ogokora 2:47). Enchera ende orayebeke, Ekanisa n'abatunyani ba Kristo.

Erieta Ekanisa nigo rikororekana ase Ebibilia ase chingencho ara kabere. Ritang'ani, igo ekwaneire koba ase ense. Naboigo Kristo arengereretie na atebete ase, *“Na inche nagotebirie, ng'a aye naye Petero, na ase egetare eke ning'agache ekaniisa yane, ne chinguru chi'amakweri tichikoyebua”* (Matayo 16:18). Ebibungo nebinge bigokwanera erieta Ekanisa ase enchera eyio eyio, gokwanera Ekanisa koba ase ense. Nakwo ogoteba, ande onsi Ekanisa ere ase ense, onye ere Ekanisa ekwaneire ase Ebibilia, eyio nero Ekanisa eyio Kristo atebete are gochia kwagacha.

Eriakabere, igo ekwaneire koreng'ana nase ayio ere. Ase omogwekano, ekero Paulo are korikera Ekanisa ya Rumi, na ogokwanera emesangererekano ao,ao ya Kristo, agateba, chikanisa chia Kristo chiabakwanirie, *“Kwanania na konyunyuntana ase obochenu. Chikanisa chionsi chia Kristo chiabakwanirie.”* (Abarumi 16:16). Takwanereti chikanisa nyinge engencho yaye chidini, korende omobaro bw'emanagererekano y'ekanisa y'Omonene.

Gokwanera mono, norore ng'a Amariko igo akwanerete igoro y'ekanisa ya Kristo, Ekanisa ya Efeso, Ekanisa ya Filipi, na echinde chikwaneire ase Am-

ariko (1 Abakorinto 1:2; Abaefeso 1:1; Abafilipi 1:1). Ayio onsi nigo agotantania Abanto abange ase engencho banarire korengereria Ekanisa igo rioka koba edini. Korende ase tari orasome igoro y'edini entang'ani ase Ring'ana ria Nyasae ase ebikorwa bi'eritang'ani, ntore nomobaro bw'emesangererekano egotebwa na kera omosangererkano ng'a n'ekanisa y'Omonene ase ekenyoro ekio ere, korende bonsi ase obomo babeire ekanisa engima. Nkonyarekana are chidini kwebwa ase Omonto ochire ase Ebiblia na korora Ekanisa y'Omonene buna ayegorete gotokonya mono komanya engencho y'ekanisa, tonyare komanya ng'a Ebiblia ekworokia Ekanisa koba:

1. **Omobere O'kristo.** Nomobere Okristo kemoika, na Kristo buna omotwe oye (Abaefeso 5:23). Omobere noyomo (Abaefeso 4:4) na omobere oyomo engencho yaye Ekanisa eyemo (Abakolosai 1:18).

2. **Enyomba ya Nyasae.** Erieta enyomba ase Amariko erikoreta enka, eyio egotokonya komanya ng'a Ekanisa n'enka ya Nyasae ase 1 Timoteo 3:15 Paulo agoteba ng'a enyomba ya Nyasae n'ekanisa ya Nyasae ore moyo. Nyasae nere TATA naiywe n'Abana baye (Abagalatia 3:26-27; Abaefeso 1:3).

3. **Oboruoti bwa Nyasae.** Oboruoti goika bobo n'omoruoti, naboigo Kristo nere Omoruoti (Okomanoka 17:14). Korende koba n'omoruoti, Oboruoti goika bobo, naende mboreo (Ogokora 8:12). Itwe nitwe Oboruoti obwo, ense nao Oboruoti obwo bore. Nerichiko rioboruoti obwo nemuma enyia. Eyio nero Ekanisa (Matayo 16:18-19).

4. **Omogondo bw'Omonene bw'emesabibu.** Kristo nere omosabibu na Abakristo nechinsagia oyomo ase oyomo (Yohana 15:1-8). Omoroberio nogokora emeremo ase omogondo bw'emesabibu na komwamera Omonene amatunda.

Ekanisa nabo ekwaneire igo koranche soma amang'ana aya ase okobwatia Amariko na bwerorere aye omonyene buna naki Ekanisa ekwaneire. Buna naki Ekanisa ekwaneire na buna Nyasae atagete erorekane, erio nario ebirengererio biraonchoke, na boigo obogima bao bonchoke.

Amaborio

Ee gose Yaya. 1. Ebibilia ngokwanere Ekanisa?

Ee gose Yaya. 2. Katoliki n'ekanisa?

Ee gose Yaya. 3. Obonge bw'abanto mbomanyete igoro y'ekanisa?

Ee gose Yaya. 4. Erieta ekanisa nigo rikwaneire ase ebuku buna engencho eyemo?

Ee gose Yaya. 5. Kristo nakwanete ng'a koagacha are ekanisa yaye?
Ee gose Yaya. 6. Chikanisa isano na ibere chia esia nigo chi'arengete om-
watananeko ara gatano na kabere gw'echidini?
Ee gose Yaya. 7. Ekanisa, n'omobere o'Kristo?
Ee gose Yaya. 8. Omobere, n'oyomo?
Ee gose Yaya. 9. Kristo nere ore omotwe bw'ekanisa?
Ee gose Yaya. 10. Oboruoti, tiboracha?

Roberia ebinto ebio ekanisa etari.

1. Ndieta ki ri'ekegiliki ekanisa ekorokwa?
2. Inki gekoroisia ekanisa koba ekanisa?
3. Insemo ki arakabere, erieta ekanisa ritumegete?
4. Ning'o otebete ng'a koagacha are ekanisa yaye?
5. Nirenga aagachete?
6. Chikanisa echi isano na ibere chia esia nchirichi chi'arenge?
7. Emebere n'renga ere?
8. Ning'o ore omoruoti bw'abaruoti?
9. Ninki toganeirie gokora ase omogondo bw'Omonene bw'emesabibu?
10. Koranche karwe obweng'e koerera.

Koranche karwe obweng'e koerera.

1. Ekerisia.
2. Omobere o'Kristo.
3. Enyomba ya Nyasae.
4. Oboruoti bwa Nyasae.
5. Omogondo bw'Omonene bw'emesabibu.

Ogosoma 2

Ogocha Gw'ekanisa

Ogocha gw'ekanisa tikwarenge bobisi gose botuko. Eyaroberetigwe, Ekabanwa. Ekariywa eira, erio egachaka. Ebibilia igo ekworokia aya onsi buya kegima.

Ritang'ani, Ekanisa eyarengase ebirengererio bia Nyasae. Paulo akoraria aya ase abachenu aaria Efeso. Agateba ase, *“Nyasae, Ise Omonene oito Yeso Kristo, atogigwe, ere oyotosesenetie ase Kristo nogosesenigwa gwonsi kw'omoika aase aaria igoro, buna atochorete asere ritang'ani ense etarabekwa oboroso, erinde tobe abachenu, totari na komocha ase obosio bwaye. Ase obwanchani bwaye Nyasae atochorete korwa kare, erinde tokorwe koba abana baye ase enchera ya Yeso Kristo, koreng'ana nokogania kw'ogwanicha kwaye, erinde obonene bw'obuya bwaye botogigwe, obo atoeire buna ekeegwa ase Omwanchwa oye.”* (Abaefeso 1:3-6). Inyora ng'a Paulo igo agokwana n'ekanisa ya Efeso ogoteba Nyasae nigo abachorete nonya nense etarabekwa oboroso. Eyio ekworokia ng'a Nyasae narengereretie igoro y'ekanisa nonya nense etaratongwa.

Neri ng'a, nayeroberetie ase ekero ekio, na ase igo eyaruete ase ebirengererio bia Nyasae. Nobobe bong'ana naki gochaya aya Nyasae aroberetie korwa omochakano. Eriakabere, Ekanisa eyakwaneretwe ara aange ase obobani. Isaya agateba, *“Nebe ase amatuko 'omoerio, ng'a egetunwa ki'enyomba y'Omonene ngekong'igwe kebe eki'engendo enene kobua ebinde; naende keimokererigwe igoro geetanie ebigoro, na ebisaku bionsi mbiendoke gochia. Ee, abanto abange mbagendeo batebanie: “Inchuo, totiire gochia ase egetunwa ki'Omonene, togende ase enyomba ya Nyasae o Yakobo, erinde atworokererie chinchera chiaye, na intwe tonyare kobwatia oboeto bwaye.” Amachiko 'Omonene nasoke korwa Sayoni, ne ring'ana riaye ndirue Yerusalemu”* (Isaya 2:2,3). Boigo Yoeli agateba, *“Nebe ase amatuko agochi-gocha, nimbaiterere abanto bonisi Omoika one; abana baino, abamura na abaiseke, inababane, na abagaaka baino nabarote chindoto, na abamura baino nabarore amaroro. Naboigo ase amatuko ayio nimbaiterere abasomba baane, abasacha na abakungu, Omoika one”* (Yoeli 2:28,29). Boigo Danieli agateba, *“Ase amatuko 'abaruoti abwo Nyasae ore igoro narente oboruoti botanyare gosarigwa, gose okobua kw'oboruoti obwo tibokoegwa egesaku kende. Obwo mbosenyente amaruoti onsi na koyasiria, na borobwo obonyene mbogenderere kobao goika kare na kare”* (Danieli 2:44).

Gokorera:

1. Oboruoti ebware gocha ase amatuko y'omoerio.
2. Ebware gochaka aaria ase egetunwa.
3. Ebisaku bionsi biendoke gochia.

4. Omonene naiterere bonisi Omoika Omochenu.
5. Eyare gochaka ase obogambi bwakane ase ense (obogambi bw'ekerumi).
6. Eyare gosiria amaruoti onsi na kogenderera kare na kare.

Bono aya onsi indi aikeranete? Soma Ogokora 2.

Eriagatato, Ekanisa ekarierwa eira Yohana agateba yabeire ang'e (Matayo 3:2). Eyio ekworokia ng'a konye yabeire ang'e na kwagachwa iga bwango. Kristo nariete eira ase, *“Na inche nagotebirie, ng'a aye naye Petero, na ase egetare eke ning'agache ekanisa yane, ne chinguru chi'amakweri tichikoyebua”* (Matayo 16:18). *“Akabatebia, “Ekeene nabatebirie: Mbare abanto bande ase aba bateneine aiga, abataigwe amakweri goika barore oboruoti bwa Nyasae bogocha ne chinguru”* (Mariko 9:1) *“Akabatebia, “Naboigo yarigetwe ng'a nemogwenerete Kristo gochandwa, na koboka korwa ase abakure ase rituko ria gatato; na ebisaku bionsi mbiranderigwe ase erieta riaye okoonchoka na okorusigwa kw'ebibe, gochakera Yerusalemu. Inwe mbirori b'amang'ana aya. Rigereria, nintome asemore aya Tata abarierete eira, korende ikaransa ase omochie oyo Yerusalemu goika mobekwe chinguru chikorwa igoro”* (Luka 24:46-49).

Bono torigererie obonene obo:

1. Oboruoti ebwarenge ang'e.
2. Kristo akaria eira koyiagacha nonya n'echinguru chia'makweri tichikoyebua.
3. Egati ya baria baare na Kristo eyare gochaka abande ase egati yabo bare moyo.
4. Eyare gochaka n'echinguru.
5. Ogoonchoka na okorusigwa kwe bibe birandigwe ase erieta riaye ase ebisaku bionsi.
6. Gochakera Yerusalem.
7. Abatomwa baare koegwa chinguru korwa igoro ase Omochie O'yerusalem.

Koranche kabe naya onsi ase ebeirengererio ekeru togoikera omoerio bw'ogochakigwa gw'ekanisa na korora aya agoikerana.

Irana bono ase Ogokora 2. Korakore boigo, yesome boikeranu ara aange. Abasomi bonisi ba bibilia nigo bakworokia ng'a Ekanisa nigo yachagete ase ekeru ekio. Ase ayio, Yerusalemu yare gochia gochakera, ase chingaki chi'omoerio, amatuko y'obogambi bw'ekerumi, chinguru chigacha, okoborigwa na okwaberwa kw'ebibe bikarandigwa ase ebisaku bionsi, na ekainsa ekagenderera kobao

korwa ekero ekio. Boigo, ekanisa eyio eyareng'e aase ebirengererio bia'Nyasae iyachagetigwe, obobani igoro y'Ekanisa eyio bogaikerana, ne chiira koreng'ana n'Ekanisa eyio chigaikerana.

Amaborio

1. Ritang'ani ing'ai ekanisa yareng'e?
2. Indiriri Nyasae achorete ekanisa?
3. Rika amrieta y'ababani batato bakwanete igoro yogocha gw'ekanisa.
4. Ngoika ririri oboruoti boratenene?
5. Ningo oriete eira koagacha ekanisa?
6. N'ekanisa yang'o ariete eira koagacha?
7. Nirenga atebete are koagacha?
8. Inaki oboruoti bware gocha?
9. Ngentoki kiarandetigwe aaria Yerusalemu?
10. Nga'I orasome igoro y'ogochaka gw'ekanisa?

Koranche atera Ekeene gose Oborimo.

Ekeene gose Oborimo. 1. Ekanisa iyareng'e ase omoroberio, ekabanwa, ekarier-wa eira, na boigo egachakigwa.

Ekeene gose Oborimo. 2. Ekanisa nigo yareng'e ase ebirengererio bia Nyasae.

Ekeene gose Oborimo. 3. Yohana agateba ng'a oboruoti bw'abereire ang'e.

Ekeene gose Oborimo. 4. Oboruoti nigo bware gocha n'echinguru.

Ekeene gose Oborimo. 5. Ogoonchoka na okorusigwa kw'ebibe inabirandigwe ase erieta riaye ase ebisaku bionsi.

Ekeene gose Oborimo. 6. Ekanisa nigo yare gochakera Yerusalemu.

Ekeene gose Oborimo. 7. Ogokora 2 ngokwanere igoro y'ogochaka gw'ekanisa.

Ekeene gose Oborimo. 8. Aya nigo aikeranete chingaki chiria chi'obogambi bw'ekerumi.

Ekeene gose Oborimo. 9. Amatuko y'omoerio nachagete.

Ekeene gose Oborimo. 10. Obobani nechiira mbiarendetwe na goikeranigwa.

Koranche ikerania boikeranu amang'ana aya.

1. Koreng'ana buna atochorete intwe ime yaye nyuma _____

_____.

2. Nebe ng'a ase _____.

3. Nyasae ore igoro nachakie oboruoti obwo botanyare _____.

4. Ninyagache _____.

5. Ogoonchoka na okwaberwa kw'ebibe na korandigwe gochakera _____

_____.

Ogosoma 3

Ogochakigwa Gw'ekanisa

Ogochakigwa gw'ekanisa ase ogosoma gwaito gwaetire, intwarigereretic korwa ase Isaya 2:2,3; Yoeli 2:28,29; Danieli 2:44 ng'a Oborouti bw'Omonene (Ekanisa) mbochakigwe ase amatuko omoerio, aaria Yerusalemu, ase ogocha kw'omoika, ng'a ebisaku bionsi mbiendoke gochiao na ng'a mbobeo kare na kare. Bono Kristo nariete eira ase Matayo 16:18; Mariko 9:1; na Luka 24:46-49 ng'a naagache Ekanisa yaye, ng'a neche nechinguru, na ng'a okoonchoka na okwaberwa kwebibe birandigwe ase erieta riaye ase ebisaku bionsi.

Bono torigererie Ogokora 2 ntomanye ase ekebungo eke ng'a obobani obo bwonsi mbwaikeranetigwe nechira echi chionsi chigaikeranigwa. Ekero togosoma Ogokora 2 etokonyora Abaatomwa ebarengase ase omochie o'Yerusalemu ase ekero ekio. Ekero rituko ria Pentekosti riaigete nigo barengase aamo bonsi.

Mobasokano eriogi rigaika ase bare, *“Ekero rituko ria Pentekosti riaigete, bonsi nigo barengase aase amo. Mobosokano okogusa kogacha korwa igoro, okogusa buna ogw'ekeramauti gekogusa ne chinguru, kogaichora enyomba yonsi aase baikaransete. Chimeme buna echi'omorerero chikabaorokera, chikabaatananekera, naende chikabaikaransera kera oyomo obo. Bonsi bagaichorwa n'Omoika Omochenu, bagachaka gokwana ase emenwa emeao, buna Omoika obaete gwatora. Mbamenyete Yerusalemu Abayahudi abasigete Nyasae, abanto korwa ase kera egesaku inse y'erioba. Ekero eriogi eri riaigwetwe, omoganda ogasangererekana amo, okaba nogokumia, ekiagera kera oyomo abaigwete bagokwana ase omonwa oye omonyene”* (Ogokora 2:1-6).

Amang'ana aya nigo agendererete komanyigwa ase ebisaku bionsi ase aya akoregete, *“Ase ayio bonsi bagakumia ogokumia okonene bagateba, amang'ana aya engencho yaye ninki? Abande bagachecheria bagoteba, ebatindire nedivai enyia. Korende Petero agatenena egati ya baria ikomi nomo, agaaka eriogi akabatebia, “Bagakumia bonsi, bagaichana na koborania, “Amang'ana aya, engencho yaye ninki?” Abande bagasekereria, bagoteba, “Nigo batindire nedivai enyia.” Korende Petero agatenena amo na baria ikomi nomo, agaaka eriogi riaye, akabatebia, “Inwe abasacha ba Boyahudi, na inwe mwensi abamomenyete Yerusalemu, tiga ring'ana eri rimanyekane asemore, tegerera amang'ana aane. Taibo buna mokagete; abanto aba tibatindeti, ekiagera bono nechinsa isato chioka chia mobaso, korende ring'ana eri ndiria riakwanetwe nomobani Yoeli: “Nebe ase amatuko 'omoerio, Nyasae otebire, nimbaiterere abanto bonsi Omoika one, na abana baino, abamura na abaiseke, inababane. Abamura baino nabarore amaroro, na abagaaka baino nabarote chindoto... Naende nebe ng'a kera oyorarange-*

rie erieta ri'Omonene natoorigwe." (Ogokora 2:12-17,21).

Nyuma y'okworokia ng'a onsi ayakoregete nigo arenge ogoikerania obobani obokoro, Petero agachaka korandia igoro y'ogwoonchoka buna Yeso are Omonto bwancheirwe na Nyasae gati yabo ase ebikone na amakumia na ebi-
rage binde bia'Nyasae ebiakoregete ase egati yabo. Korwa abwo igo agokwane-
ra buna Kristo abogoretigwe na koirwa na kobekwa ase amaboko yabanyene
ebibe buna abambetwe na goitwa. Na kworokia ng'a Nyasae namobogetie kor-
wa ase abakure, nyuma y'ogosionorwa goika ogokwa. Erio kobaenekirie abamo-
tegererete akairora gokwana aya Daudi akwanete kworokia ng'a Kristo nao
arenge, agakwa, agatindekwa na koboka, na akagenda igoro agaikaransa igoro
aase ekerogo ki'obonene ase okoboko gw'okorio kwa Nyasae.

Akagenderera gokwana, "*Oyo Yeso Nyasae akamobokia na ase aya intwe twensi
nigo tore abarori. Ase ayio, kaimokererigwe igoro ase ensemo y'okoboko gw'okorio kwa Nyasae,
naende kanyorire korwa ase Tata Omoika Omochenu oria arieretwe eira oiteire ayamwarorire
na koyaigwa. Ekiagera Daudi tagendete igoro, korende ere omonyenye nigo agoteba: "Omonene
agatebia Omonene one, Ikaransa ensemo y'okoboko kwane gw'okorio, goika mbeke ababisa bao
babe inse y'amagoro ao. "Naboigo, tiga enyomba yonsi ya Israeli emanye ekeene ng'a Nyasae
obekire Yeso, oyio mwabambete, obeire Omonene naende Kristo."* Ekero bachia koigwa aya,
bagasambwa ase chinkoro chiabo, bakaboria Petero na abatomwa bande, "Abaminto, inki
torakore?" Petero akabairaneria, "Onchoka, mobatiswe kera oyomo ase erieta ria Yeso Kristo,
monyore okwaberwa kw'ebibe biaino, na inwe inamoegwe ekeegwa ki'Omoika Omochenu.
Naki eira eye nigo ere asemore na ase abana baino, na ase abanto bonisi abare aare, na bonisi
abarangerigwe n'Omonene Nyasae oito." Petero akabaorokeria ase amang'ana ande amange na
kobakurera, ogoteba, "Etoorie korwa ase ekegori eke getari ekeronge." Na barabwo abanchete
ring'ana riaye bakabatiswa, ne rituko riria bakamentekana abanto koreng'ana chilifu isato...
bakomotogia Nyasae na kogwenera abanto bonisi. Omonene akabamentera kera rituko ase oko-
renta baria barenge gotoorigwa" (Ogokora 2:32-41,47).

Ase (ekebungo) giaetire ase amariko, Ekanisa y'Omonene iyachagetigwe.
Boigo norore ng'a aya onsi igo akoregete aaria Yerusalemu. Chinguru chi'omoi-
ka Omochenu chigaikera Abatomwa. Aya agakoreka ase ogoikerania obobani
ase okobwatana ogokoro. Petero agakwana aya ase, "*korende ring'ana eri ndiria
riakwanetwe nomobani Yoeli*" (Ogokora 2:16) ase ayio tang'utang'u tichiyo ase aya
akoregete. Ekiagera Ababani batebete aya ng'a nabe ase amatuko y'omoerio
, naende Petero akwana ng'a aya abeire buna ababani bakwanete, igo Ekani-
sa eyachagete ase amatuko y'omoerio. Ebisaku nao biarengwe rituko erio eke-

ro ogoonchoka na okorusigwa kw'ebibe biarandetigwe, n'abanto chilifu isato (3,000) begenete abatoretigwe na komentwa ase ekanisa. Ase ayio, Kristo agachakia ekanisa aaria Yerusalemu omwaka bw'emerongo etato netato 30/33 kabokire, na yagendereire kobao korwa ekeru ekio.

Amaborio

1. Ning'o otebete nagaache ekanisa? _____
2. Ning'o otebete ng'a chingaki nchike Omonene otebire? _____
3. Ning'o otebete, Omonene agateba ase Omonene one ikaransa ase okboko kwane gw'okorio? _____
4. Ning'o otebete ochoka mobatiswe ase okwaberwa kw'ebibe biano? _____
5. Nig'o otebete aye omonyene korwa ase ekegori eke ekebe? _____

Kwanera obobani.

1. Indi oboruoti bwachagete? _____
2. Nase mocha ki bwachagete? _____
3. Mbarengenga bare koendoka gochio? _____
4. Naki bware gocha? _____
5. Ebware kobao ebiro bing'ana naki? _____

Bono karwe chiira.

1. Ning'o orekoagacha ekanisa? _____
2. Niki bware gocha nakio? _____
3. Niki kiare korandigwa? _____
4. Gati y'ebisaku birenga biare koranderigwa? _____
5. Ebare korandia ase erieta riang'o? _____

Iraneria amaborio aya korwa ase Ogokora ibere.

1. Mbarabi bayorete Omoika? _____
2. Mbimanyererio ki biare ororekana? _____
3. Naki Petero aorogetie Kristo ase abanto? _____

4. Kabori ki abanto baboreti? _____ naende naki babairaneretie?

5. Ning’o okomenta abatorigwe ase ekanisa? _____

Atanana.

1. Ekanisa _____.
2. Obobani _____.
3. Pentekosti _____.
4. Ogoonchoka _____.
5. Ebatiso _____.

Ogosoma 4

Okomanyekana Gw'Ekanisa

Inee inaki oranyare korigia omosani osirire ase chingaki chintambe? Buna ere botambe, goika origie ebimanyererio bionsi biragere amanyekane erio ochake komorigia bwango komonyora omonto oyio ebimanyererio ebio biabwatani-re nere, erio nario oramanye ng'a oyio nere konya okorigia. Boigo, Chikanisa nechinyinge chire ase ense. Inee! Omonto inaki aranyare komanya ng'a nereri ere yekeene na eng'ikeranu? Inee! Inaki omonto aramanye ng'a nereri ere eya Kristo? Goika abe nebiorokererio bionsi na arenge chikanisa chionsi echio chir-eo. Nekero aranyore eria egwekaine nebimanyererio ebio, erio nario aramanye ng'a onyorire eyere yekeene. Korende ebimanyererio mbiribi? Ng'ai bigotoka?

Ebibilia nero omotebereria gose nero yoka ekoiraneria.

Ebimanyererio.

1. **Kristo nachagetie Ekanisa.** *“Na inche nagotebirie, ng'a aye naye Petero, na ase egetare eke ning'agache ekanisa yane, ne chinguru chi'amakweri tichikoyebua”* (Matayo 16:18).

2. **Egachakera Yerusalemu.** Aya nigo agotoka ase egetabu kia Luka 24:45-49 na Ogokora 2:5.

3. **Chingaki chiaye yachagete (30/33 AD) omwaka bwemerongo etato n'etato Yeso kabokire na kogenda igoro.** Aya boigo igo agotoka Ogokora 2, n'Ekanisa egachaka rituko ria Pentekosti.

4. **Ekanisa ekarokwa erieta ria Kristo. Kagokwanera eme-sangererekano yarengo Paulo akarika ase.** *“Chikanisa chionsi chia Kristo chiabakwanirie”* (Abarumi 16:16). Akagenderera gokwana, ekeru are gokwana n'Ekanisa ya Korinto, *“Inwe nigo more omobere o Kristo na ebiimo bi'omobere oyio, kera ekemo aase aye”* (1 Abakorinto 12:27). Korende omobere ninki? Ne'kanisa (Abae-feso 1:22,23).

5. **Ababwatani b'Ekanisa eyio ebarogetwe Abakristo (Aba-Kristo).** *“Agwo Antiokia nao aborokigwa batang'anete korokwa Abakristo”* (Ogokora 11:26). *“Agripa agatebia Paulo, “Ase amang'ana amake norigetie gonkora imbe Omokristo”* (Ogokora 26:28). *“Korende onye omonto ogochandwa ekiagera are Omokristo tarora obosooku, korende atogie Nyasae ase erieta eri”* (1 Petero 4:16). *“Gose gotooreka tikori ase onde bwensi, ekiagera erieta rinde tiriri inse ase erioba intwe mwanabanto twaetwe eriranyare gototooria”* (Ogokora 4:12).

6. **Kristo nere bweka ore Omotwe bw'Ekanisa eyio.** “*Ere nomotwe bw'omobere, engencho yaye ekanisa; naende ere nomochakano na omoiborwa bwe ritang'ani korwa ase abakure, erinde abe omotang'ani ase bonsi*” (Abakolosai 1:18).

7. **Omobere oyomo.** “*Omobere noyomo, na Omoika noyomo, buna mwarangere-tigwe ase ogosemeria okomo gw'okorangerigwa kwaino*” (Abaefeso 4:4). Korende omobere ngentoki? N'Ekanisa (Abakolosai 1:18). Ase ayio onye omobere ore oyomo na omobere oyio ne Ekanisa, igo Ekanisa n'eyemo.

8. **Ebitambokero bireo ase ogosoa ase ekanisa eyio eyemo.** Eke-mo kiabo n'okoigwa (Matayo 7:24,25; Abarumi 10:17) n'okwegena (Abaiberania 11:6; Yhana 8:24), Ogoonchoka (Ogokra 3:19;17:30; Luka 13:3), Okoorokia okwegena kwao (Abarumi 10:9,10; Matayo 10:32,33), na Ebatiso (Mariko 16:16; Ogokora 2:38). Erio kegima ekero omonto atorekire nigo akomentwa ase ekanisa n'Omonene omonyene (Ogokora 2:47, boigo Abarumi 6:3,4; Abagalatia 3:26,27 na 1 Abakorinto 12:13 ebikworokereria ng'a omonto igo akobatiswa ase Kristo na Ekanisa yaye). Goetera koigwera amachiko aye omonto igo egotebekana ng'a oyio oiboirwe ase ekanisa eyere oborouti (Yohana 3:3-5).

9. **Ogosasima gw'ekanism eyio nokwa beene.** Abakristo ebaganeirie gosangererekana ase rituko ritang'ani riechuma (Ogokora 20:7). Erio gotera (Abaefeso 5:19), Ogosaba (Ogokora 2:42), Ogosoma ring'ana (2 Timoteo 2:15), Gosamunyora Omogati (Ogokora 20:7), na Okorugwa (Esadaka 1 Abakorinto 16:1,2).

10. **Amorokererio y'Ekanisa eyio igo akorwa ase Ebibilia yoka.** Gosoma komenta gotaiyo gose korusia, gose gonchorana buna etari (Okomanoka 22:18,19). Ebibilia nero yoka ekworokererigwa ase ekanisa. Ebitabu biko-mentera gose ebire n'okwegena okoao biangirwe.

11. **Omoroberio bw'Ekanisa goika obe koreng'ana n'omoroberio o'Nyasae.** Kristo nere Omotwe (Abaefeso 5:23) na kera omosangererekano noganeirie koba nabagaka na abakonyi babo (1 Timoteo 3 na Tito 1). Ekanisa y'Omonene tebwati Omotwe gose ase okobua gokorwa ase ense naboigo teri ase omoroberio o'mwanyabanto.

12. **Obokoreri bw'ekanism igo bore ara gatato.** Emeremo yaye n'okorandia Enchili (Mariko 16:15,16), Gokonya baria baremeire (Abagalatia 6; na Yakobo 2), na goikerania ababwatani (Abaiberania 3:12-14)

13. **Kera omokristo goika amenye n'obogima bw'obokristo boikeranu.** Titwancha ense (1 Yohana 2:15; Yakobo 4:4), korende goika twame

amatunda y'omoika (Abagalatia 5:22,23). Na'begenwa boka baranyore egutwa y'obogima (Okomanoka 2:10).

Bono ebi nabio bire ebimanyererio bi'ekanisa. Ebi nabio birusirie korwa ase omoroberio, bw'ebibilia. Renga ekanisa yao ase ebimanyererio ebi. Ase omogwekano, rigereria ebitang'ani bine. Ebori aye omonyene," Ning'o achagetie eyane?" nKristo oychagetie gose onde omoao? Boigo bori, "ng'ai ekanisa ekanisa yane yachakerete?" Yerusalemu yachakerete gose nensemo eng'ao?" genderera koboria amaborio" indi ekanisa yane yachagete?" onye yachagete nyuma y'omwaka 30/33 tekoba ekanisa y'Omonene." Omoerio, eborie aye omonyene, ndieta ki ekanisa yane ekorokwa?" onye tiriri erieta ria Kristo, naki erabe eya Kristo rende? Nabo kware kogenderera, korende aya aisanire kogokonya korora ng'a ekanisa yao neya Kristo gose ney'omonto. Na noganeirie korenga chikanisa chinde boigo goetera ebimanyererio ebi erio komanya gose ne'chia Nyasae chire gose yaya. Negenire ng'a bono nonyare komanya na gwatanana ekeene.

Koranyore ng'a ekanisa eyio ore omobwatani teri ekanisa yekeene koreng'ana n'ebibilia, eki oganeirie okore n'okoyetiga, bw'eorokererie ekeene, oigwere, na omentwe ase ekanisa eyio orasome igoro yaye korwa ase ring'ana ria Nyasae. Erio nario orabe ase ekanisa eyio eyemo ase ogotoreka kore.

Amaborio

1. Naki torabaikere abasani bari abasiru? _____

2. Chidini chinyinge chire ase ense rero iga? _____

3. Naki toramanye eyere ey'ekeene? _____

4. Ekemanyererio kiaye ng'ai kegotoka? _____

5. Ning'o ochagetie ekanisa? _____
6. Ng'ai yare gochi gochakera? _____
7. Indi yare gochaka? _____
8. Teba erieta riaye _____
9. Omobere niki? _____

10. Naki ababwatani baye bakorokwa? _____
11. Ning’o ore omotwe bw’ekanisa? _____
12. Chikanisa irenga chire? _____
13. Teba biri bigokoreka ase ekanisa _____
14. Naki omonto akomonyora Kristo na ekanisa? _____
15. Teba biria bigokoreka ase ogosasima? _____
16. Amorokererio y’ekanisa narari? _____
17. Kera omosangererekano niki obwenerete gotwara?
- _____
18. Teba chinsemo isato chie ekanisa _____
19. Mbogima ki omokristo abwenerete komenyera?
- _____
20. Mbaraba baranyore egutwa y’obogima? _____
- _____
21. Ekanisa omonto achagetie nabe ekanisa y’Omonene?
- _____
22. Ekanisa etachagete korwa Yelusarem nebe ey’Omonene?
- _____
23. Ekanisa etachagete AD 33 nebe ey’Omonene?
- _____
24. Onye ababwatani tibari korokwa ase erieta ri’Omonene nebe ey’Omonene? _____
25. Onye gwatorekire, Kristi nakomente ase kanisa ki?
- _____

Ogosoma 5

Erieta Ri'ekanisa

Onye ekanisa eganeirie koba kemariko, goika boigo ebe nerieta korwa ase amariko. Korende nonya nabo nchireo chiroisirie na mwanabanto echire nama-rieta amange ayeke mwanabanto, buna bono, Edini ya Catoliki, S.D.A., P.A.G., nechinde chinyinge buna echio chitari gotoka ase Ebibilia nonya ng'ake!. Inee! Echi naki chichete? Gati yamarieta aya, igo arwete ase abachaki babo, buna bono, Lutaran, Baptist, eye nenchera eyemo yogosika na gosasima mwanabanto na komokereria rituko, buna bono Esabato, naboigo rituko ria Pentekositi. Na abande babeka emeriberio koreng'ana neserekari gose abagambi bense ase okobetereria emeremo yabateneneri b'echidini. Korende aya onsi na ayande agokwanwa, aira obonene, esiko, n'ogosikwa gwonsi gwa Kristo, na gochiroka amarieta abo boka abanyene, na omoroberio okorwa ase mwanabanto.

Amarieta na ebirogo gose oboteneneri bobekire na mwanabanto nokomocha ase Nyasae. Ritang'ani, yareta ogwatananekana. Baonchorana aya Nyasae ataaganetie ng'a ogoonchoranwa kobeo. Baatanana abanto na baamere- riania n'ogosaba gwa Kristo buna korikire ase Yohana 17 ekero asabete ng'a twensi tobe egento ekemo. Eriakabere, baragererigwe. 1 Abakorinto 1:10-17 Omotomwa Paulo nabaorogetie abamwabo okomocha gw'okoba na amarieta amwanabanto naboigo koba n'omwatananekano ore ao ao. Eriagatato, ama-rieta amwanabanto taganeirie ekiagera etogosoma erieta ria Kristo rioka ase, “*Gose gotooreka tikori ase onde bwensi, ekiagera erieta rinde tiriri inse ase erioba intwe mwanabanto twaetwe eriranyare gototooria*” (Ogokora 4:12). Eriakane, amarieta aroisirie na mwanabanto nigo agosiria aburukania na korenta obotantanu na boigo are- ta ayatagereneti gati ya baria batari abeegeni babasiria na koreta ogotegeena. Eriagatano, bagera baria bagwenerete na bonisi abaonchokire bagwa korwa ase Kristo, ase engencho eyio baba abamochi.

Koreng'ana n'ekanisa, eye Kristo ariete eira kwagacha (Matayo 16:18). Eyio egorerete na amanyinga aye omonyene (Ogokora 20:28) ng'a ere n'omoria bw'ekanisa yaye (Abaefeso 5:23), na nere ore omotwe bw'ekanisa (Abakolosai 1:18). Buna ere neria ng'a goika ebe ekorokwa ase erieta ria Kristo erio gosika omochaki oye, omwagachi, omotoria, na omotwe. Ase ayio ekero Paulo arikerete ekanisa ya Rumi, na gotoma amakwania y'emesangererekano gochia Rumi, agateba, “*Chikanisa chionsi chia Kristo chiabakwanirie*” (Abarumi 16:16). Boi-

go agakwana n’ekanisa ya Korinto agateba, *“Inwe nigo more omobere o Kristo na ebiimo bi’omobere oyio, kera ekemo aase aye”* (1 Abakorinto 12:27). Korende ekiagera omobere n’ekanisa (Abaefeso 1:22,23), igo aare gokwanera ekanisa ya Kristo yoka. Boigo yarokwa ekanisa ya Nyasae (1 Abakorinto 1:2; Ogokora 20:28), boigo, oboruoti bwa Nyasae (1 Abakorinto 6:9), boigo, oboruoti bwa Kristo (Abaefeso 5:5), naboigo, oboruoti bw’Omwana oye omwanchwa (Abakolosai 1:13), naende yarokwa, oboruoti bw’Omonene oito (2 Petero 1:11), naboigo yarokwa, ekanisa (Ogokora 13:1), ekanisa ya Nyasae ore moyo (1 Timoteo 3:15), ekanisa y’omoiborwa bw’eritang’ani (Abaiberania 12:23), ase igo tari ekebungo ekemo kegokwana igoro y’erietta ri’ekanisa. Korende tobe ne’bibilia na koroka ekanisa buna ebibilia eyerogete, erio nario torabe abaikeranu.

Ase igo tari ekebungo ekemo kegokwana igoro y’erietta ri’ekanisa. Na boigo, nebe ekoinyorwa ng’a ekere ekia Nyasae nigo kere egia Kristo boigo. Boigo amarieta aya nigo n’ekanisa eyemo eria Kristo aagachete. Onye tekoba ekanisa ya Kristo, neyang’o rende arabe? Ande ake koreng’ana, na amarieta aya onsi akwaneire aiga, nokworokia ng’a ase ekaniomonto nasirete ase okoreta amarieta ataruete ase amariko goetera gochora amarieta ande amao na koroka ekanisa ya y’Omonene. Korende tobe ne’bibilia na koroka ekanisa buna ebibilia eyerogete, erio nario torabe abaikeranu.

Koreng’ana na marieta yababwatani, amariko nigo akobeka boronge kegima. Omobani Isaya agateba ng’a Nyasae nabae abanto baye erietta riyia (Isaya 62:2). Erieta erio rigaikerana ekero gia Paulo emiaka emenge konya yaetirre (Ogokora 9:15) Korende tiriawetwe goika ekero ebisaku bianyorete ribaga ri’okoigwera Nyasae. Aya onsi naikeranete aaria Antiokia ya Siria ekero Aborokigwa barogetwe Abakristo ritang’ani (Ogokora 11:26). Naende etogosoma ase Paulo aorokereretie omoruoti Agiripa, akairaneria ogoteba, *“Agripa agatebia Paulo, ‘Ase amang’ana amake norigetie gonkora imbe Omokristo”* (Ogokora 26:28). Eri’omoerio ase Petero akwanete, *“Korende onye omonto ogochandwa ekiagera are Omokristo tarora obosooku, korende atogie Nyasae ase erietta eri”* (1 Petero 4:16).

Igo nere boronge kegima ng’a babwatani ba Kristo ase emuma enyia nigo barenge abakristo rioka igo. Omonene nabo aganetie tobe boigo. Gatorabe na amarieta y’okwebakera rirorio titori abakristo bekeene. Erieta omokristo nigo rigwatanana omonto korwa ase ense na ayio naro Omonene aganetie.

Ase erietta ri’ekanisa na ababwatani baye, erietta ria Kristo nario riganeirie koimokererigwa igoro. Ase ki? Ase engencho n’erietta (Abaefeso 3:14,15) erietta

ribuete amarieta onsi (Abafilipi 2:9-11) na erieta ase ogotoreka kore (Ogokora 4:12) ase ayio netogwenerete kwegena erieta ria Kristo (1 Yohana 5:13), koorokia erieta erio (2 Timoteo 2:19) okoonchoka na kobatiswa ase erieta erio (Ogokora 2:38) koumerana gosasima ase erieta erio (Matayo 18:20) na gokora bionsi ase erieta riaye (Abakolosai 3:17) erio tonyore obogima bwa kare na kare goetera erieta riaye (Yohana 20:30,31). Ase ayio erieta ndire nengencho. Ogotoreka nigo gokonyorekana ase erieta ria Kristo rioka. Baria bare ase amarieta ayio amaa nabasire ase engencho y'amarieta ayio abo.

Kogenda ime mono ase ebirengererio, ekeene onde atri oratebe ng'a erieta tiriri na nengencho. Ase ayio gotoreka tikori ase amarieta mwanyabanto bakweroka abanyene, korende abare na amarieta ayio nigo barasire na marietabo boigo. Ase ayio erieta ndire nengencho. Ogotoreka nigo gokonyorekana ase erieta ria Kristo rioka. Baria bare ase amarieta ayio amaa nabasire ase engencho y'amarieta ayio abo.

Amaborio

1. Ekanisa emariko goika etware _____.
2. Chirosirie na mwanyabanto amarieta abo nigo _____
_____.
3. Ogosaba _____ bagosaba ase _____
_____.
4. Bbono nigo more _____.
5. Momnene igo akoa abanto baye _____.

Tebe amachibu aboronge Ee gose yaya.

1. Eekanisa goika ebe ne rieta ria kemariko koba kemariko?
Ee ____ yaya _____
2. Amrieta akemwanyabanto igo are mamicha? Ee__ Yaya ____
3. Ogotoreka nigo kore ase erieta ri'aKristo? Ee__ Yaya ____
4. Omonene narigetie tobe nerieta erimo? Ee__ Yaya____
5. Omonto naimokererie erieta ri'Omonene onye tari ase erieta erio?
Ee____ Yaya _____

Karue amachibu aboronge.

1. Naki amarieta akemwanyabanto achete? _____

2. Teba chingencho inke nase ki amarieta amwanyabanto are mamicha? _____

3. Ninki Kristo asberete? _____

4. Teba eki Paulo anyorete abamwabo babagekanire? _____

5. Naseki ekanisa ekorokwa ase erieta ri'Kristo? _____

6. Kwanera Abarumo 16:16. _____

7. Omobere o'Kristo niki ase 1 Abakoronto 12:27? _____

8. Teba amarieta ande y'ekanisa? _____

9. Onye ekanisa teri eya Kristo igo erabe? _____

10. Niki ababwatani b'ekanisa bakorokwa? _____

11. Rika ebibungo bike bigokwanera erieta abakristo

12. Naki Omonene atagete tobe? _____

13. Konyarekana ere koba omokristo bwengencho gete?

14. Naseki tokoimokereria erieta ri'Omonene igoro? _____

15. Naki togokora ase erieta ria Yeso Kristo? _____

Ogosoma 6

Omoroberio Bw'ekanisa

Kristo agachakia ekanisa (Matayo 16:18) n'ekanisa eyio nigo ekwagachwa nabaria barangerigwe, korwa ase ense yonsi (Abakolosai 1:13,14), erengete baria batorigwe ase (Ogokora 2:47), n'omobere oye kemoika (Abakolosai 1:18) na omobere oyomo (Abaefeso 4:4).

Ekeru Ekanisa ere kera aase, igo ekoba koreng'ana n'emesangererekano ao ao, na kera omosangererekano nore nababwatani abange. Engencho yaye neri ng'a oborai bw'ekanisa nigo bore ase ekanisa eyio enyene agwo aasere (y'etenenerete na abarai baye) na teri koragwa korwa isiko yaye.

Tiga torigererie ebibungo bikobwatia, *“Naende akabeka ebinto bionsi inse y'amagoro aye, akamobeka abe omotwe igoro y'ebinto bionsi ase ekanisa, eyere omobere oye, ogoikerania kwaye ere oyogoikerania ebinto bionsi ase bonsi”* (Abaefeso 1:22,23). *“Naki omosacha nomotwe bw'omokungu, buna Kristo are omotwe bw'ekanisa; ere omonyene n'Omo-tooria bw'omobere oye, engencho yaye ekanisa”* (Abaefeso 5:23). *“Ere nomotwe bw'omobere, engencho yaye ekanisa; naende ere nomochakano na omoiborwa bwe ritang'ani korwa ase abakure, erinde abe omotang'ani ase bonsi”* (Abakolosai 1:18). Ebibungo ebi ninki bikworokereria? Buna biaikire gokwanera, ng'a Kristo nere omotwe bw'omobere oyio ore ekanisa. Inee! Ementwe nerenga ere? Omotwe n'oyomo bweka, na Kristo nere ore omotwe oyio, nere ore ribaga erio na onde moao taiyo.

Naboigo ekeru ekanisa egochaka igo egochaka n'echikanisa chiria chia Kristo chireo, tari chidini. Ayio akworokia ng'a Kristo nere omotwe okera omosangererekano gose ekanisa agwo aasere. Na boigo nere ore omotwe okera omobwatani bw'ekanisa. *“Korende nindigietie momanye ng'a Kristo nere omotwe o kera omosacha; na omosacha nere omotwe bw'omokungu; na Nyasae nere omotwe o Kristo”* (1 Abakorinto 11:3).

Ayakobwatia, kera omosangererekano goika obe bw'etenenerete omonyene. Abagaka mbaganeirie korigereria emioyo ya babwatani (Abaiberania 13:17); Abakonyi baba bakorigereria abaremeire (Ogokora 6) ara aange amariko nigo agokwanera obonge bwa abagaka na abakonyi ase kera omosangererekano, tari omogaka oyomo na omokonyi oyomo obatenenerete. Emesangererekano neganeirie gosanga, korende teri neribaga ri'ogotenenera eyende.

Amarieta aya omogaka, omorandia, omotang'ani, basita, na omogaka bw'ekanisa, amarieta aya onsi obo n'obokereri obomo gose obisi eyemo. *“Ase*

engencho eye nkagotiga Kirete, erinde oroisie ayaremeteo. Ochore abagaaka ase kera omochie, buna nagochigete. Omonto orachorwe onye okonyorekana ng'a tari ne chingencho chimbe, onye ore nomokungu oyomo, na ore nabana begenete, batari gosoerwa ng'a nabanyaka bare, gose abatari koigwera. Naki omotang'ani bw'ekanisa nemogwenerete abe omonto otari ne chingencho chimbe, ekiagera ere nomoteneneri bw'ebire ebia Nyasae. Ere taba omonto okwegwenera ere omonyene, gose omwango bw'okobea, gose oyonarete edivai, gose omonto bwanchete goaka abanto, gose gwancha okonyora kw'oborianania, 8korende abe omoroisia abageni, omwanchi amaya, oyobwerendete ase onsi, omoronge, omochenu, na oyomanyete kwerita ase onsi. Ere nigo emogwenerete abwate ring'ana ri'ekeene buna riorokereretigwe, erinde anyare koremia abanto ase okworokereria kw'obogima, na koebereria abakoengererania nere” (Tito 1:5-9). Paulo nakwanete ebimanyererio bitai bike, ebikwaneire ase (1 Timoteo 3:1-7) ase igo tari onde bwensi ase ekanisa orabe omogaka. Ase igo tari onde bwensi ase ekanisa orabe omogaka. Mbaria boka baikeranirie ebimanyererio barachorwe, na boigo, goika babe abange tari oyomo. Omosangererkano ase ababwatani bataraikera ebimanyererio bi'okoba abaka, abasacha bare ase ekanisa eyio goika babe bakorigereria ayaganeire goika bakinire erio bamanye gochorwa koba abagaka. Abakonyi boigo mbaganeirie gochorwa erio bakore amo n'agaka. Ebamanyekanete buna abasomba na nigo bagokora emeremo inse y'abagaka ase emesangererkano ya nka.

Paulo nakwanete chingencho chia abakonyi, “Naboigo nabakonyi b'ekanisa babe abanto bateneneine boronge ase ogokora okuya, batari nemenwa ebere, abanto batari konywa edivai enyinge, abanto batari gwancha okonyora kw'oborianania. Mbagwenerete babwate obobisi bw'okwegena ase chinkoro chitakobagambia. Barabwo boigo barengwe ritang'ani: onye bakonyorekana ng'a tibari ne chingencho chimbe, erio baegwe emeremo y'obokonyi ase ekanisa. Naboigo nabakungu babo bateneine boronge ase ogokora okuya, tari abang'achi, babe aberiti na abegenwa ase amang'ana onsi. Omokonyi bw'ekanisa abe omonto ore nomokungu oyomo, omanyete kogambera abana baye buya, na ab'enyomba yaye omonyene. Naki abwo bagokora emeremo yabo y'obokonyi buya benyoreire amasikani na oboremu obonge ase okwegena kore ime ase Kristo Yeso” (1 Timoteo 3:8-13) oyo noro ore omoroberio o'Nyasae ase ekanisa.

Oyo noro ore omoroberio o'Nyasae ase ekanisa. Kristo nere omotwe, ase kera omosangererekano oyio ore na abagaka na abakonyi babo. Inse y'okobua kwabo mbare na abarandia na aborokia na ababwatani. Ase enchera y'Omonene, onye omosangererekano ogwesoania ase amorokererio y'oborimo, abande na bagenderere ase okwegena. Gose onye emesangererekano egotigana n'ekeene korende oyomo, nkonyarekana ere omosangererekano oyomo koba

omwegenwa. Koreng'ana n'omoroberio bw'Omonene ase oborai bore ase kera omosangererekano nigo bw'etenenerete bweka omonyene korwa ase eria ende. Teri kobwatanigwa amo namachiko a mwanyabanto, korende nase obwan-chani. N'ogosanga ase obomo, na gokora emeremo amo, na koba abamo ime ya Kristo. Tokonya gotanga chinchera chia Nyasae tichimanyekana.

Ande tari ase amariko arasome igoro ya Petero gose monto onde bwensi koba omotwe bw'ekanisa. Ande tari orasome igoro y'omotang'ani koraa chikan-isa chinyinge, gose omorandia koba omotwe ase omosangererekano. Ande tai-yo boigo torasome igoro ya papa gose omosasiroti, gose abanene abange be-chidini ase ense korwa ase omoroberio o' Nyasae! Obonge bw'echini chi'ense cheatananire korwa ase omoroberio o Nyasae koreng'ana n'ekanisa na nakio gekogera ogwatananeka okonge kore ase ense. Bono mbuya tonache koirana ase Bibilia eyere omoroberio bw'ekeene koreng'ana namariko buna akwanete igoro y'omoroberio bw'ekanisa.

Amaborio

1. Ning'o ochagetie ekanisa? _____
2. Nkerenga gi'ekanisa gochaka ninki? _____
3. Omobere o'Kristo nigo ore kemobere gose kemoika?

4. Chikanisa irenga chire? _____
5. Ekanisa nigo _____ ase obobisi _____
6. Ekanisa eyachagetigwe nechimia chiribu chi'abanto bene

7. Oborai bw'ekanisa ya nka, neyere ime, ney'ense gose ney'echinse?

8. Ekanisa y'Omonene nere nomotwe ase ense eye? _____
9. Ning'o ore omotwe bw'ekanisa? _____
10. Naki abarai b'ekanisa ya nka bakorokwa? _____
11. Emeremo ya abagaka na abatang'ani nereri ase ekanisa?

12. Abagaka na abatang'ani mbarenga bakoba ase kera omosangererekano?

13. Naende ndieta ki abagaka na abatang'ani b'ekanisa bakoroku?

14. Ng'ai ebimanyererio biabagaka b'ekanisa birikire? _____

15. Ng'ai ebimanyererio biabatang'ani b'ekanisa birikire?

16. Ekanisa ngotwara ere abagaka na abatang'ani onye onde taiyo ore nebi-manyererio ebio? _____
17. Ase aya ning'o orarae ekanisa? _____

18. Naki emesangererekano ekoumerana amo? _____

19. Ekiorokererio ki'omoroberio o'Nyasae kegenderere?

20. Koreng'ana na amariko Petero nomotwe bw'ekanisa are?

21. Inee ekero togosoma obokoreri ase ekanisa agwo omonto oyomo okorokwa omobisoph ngoetani are omosangererekano oyomo? _____

22. Omobasita nkora are goetania omosangererekano oyomo?

23. Inee ngosoma tore ase ebibilia igoro ya abegeni?

24. Naseki ogwatananekana kore ase ense? _____

25. Ng'ai tobwenerete kogenda konyora omoroberio bw'ekanisa? _____

Ogosoma 7

Ogoosa Ekanisa

Ase ogosoma gwaito goika bono twarorire engencho enene y'ekanisa. Eye ekworokia ekeene ng'a Kristo nakwete ase engencho y'ekanisa (Abaefeso 5:25), naende ng'a nigo ayegorete ase amanyinga aye (Ogokora 20:28), naende nere omotoria bw'ekanisa eyio (Abaefeso 5:23). Amaborio aya aborigwe: Inee! Kristo nigo akwete ase egento getari na ngencho? Inee! Kristo nigo aiterete amanyinga aye gokora ekanisa eyio ere nengencho teba na ngencho? Inne! Nigo are koba omotoria bw'ekanisa yaye onye omonto okonyara gw'etoria isiko y'ekanisa yaye? Ase ekeene, onye omonto okonyara gw'etoria isiko y'ekanisa yaye, rirorio amanyinga a Kristo nigo aitegete bosa. Ase ekeene kware gwacha goteba yaya ase kera oyomo ase amaborio aya, naende ekeene bono nase ki egokwane-ka ng'a ekanisa teri yangencho, naende ng'a omonto naborigwe Atari oyomo bw'ababwatani b'ekanisa eyio? Ase engencho abanto abwo boka tibamanyetie ekanisa naende bang'ainirwe n'ebirengererio ebio.

Ase ekeene ebibilia teri kworokereria ng'a ekanisa n'omotoria, korende ase ebiro ebio igo ekworokereria ng'a omonto goika abe ase ekanisa erio atorigwe. Ekero omonto aigure enchili na koigwera koreng'ana buna baria barenge ase rituko ria Pentekositi, na amatuko akobwatia korwa ekero ekio, amang'ana ayio nigo akomobeka ase Omonene na komoa ogwancherwa, nigo akomentwa n'Omonene ase ekanisa, *“bakomotogia Nyasae na kogwenera abanto boni. Omonene akabamentera kera rituko ase okorenta baria barenge gotoorigwa”* (Ogokora 2:47). Onye omonto ogotoreka nigo akoba omobwatani bw'ekanisa Y'Omonene. Onye takaoba omobwatani, tagotoreka. Nabo ere bw'ororo igo. Engencho ende, gento kenga ekio tikeri ng'a omonto natoreke isiko y'ekanisa. Omonto nabo agotoreka Atari omobwatani bw'edini gose ebiombe bia mwanyabanto, korende tagotoreka Atari omobwatani bw'ekanisa ya Kristo.

Kogenderera n'ogosoma gwaito, omonto takonya gwesoyia ase ekanisa y'Omonene. Ribaga erio, n'Omonene okomenta abatorekire ase ekanisa yaye. Na ekiagera akomenta abatorekire boka ase ekanisa, Ase igo ekanisa mbaria batorekire. Omonene nigo akorigereria ime y'enkoru, nebirengererio, nayande buna eyio., eyekworokia ogokora kw'omonto korora gose ekeene oigwereire. Onye ore n'obomaene, erio Nyasae omomenta ase ekanisa. Onye taibo, rirorio takomentwa n'Omonene neba intwe twamoitabeire, ase engencho intwe nigo

tokorigereria korwa isiko, ase engencho titokonyara korigereria ime yenkoro y'omonto. Ase ayio titokonyara korigereria ime yaye onye omonto ogwesoyia ase ekanisa, bonsi anga mbancheretwe gwesoyia batari korigereria chingencho chiabo. Naki gekogera Omonene akorigereria mono ase kera oyoganeirie komentwa. Tari na komocha ekiagera goika arigererie ng'a nig'o oganeirie koba oyomo ase abatorekire na ning'o ogendererte n'omoroberio oye.

Ekiagera Kristo nere ore omotoria bw'ekanisa, nan ere bweka okomenta abatorekire ase ekanisa, omonto goika akine na komanya eki Omonene aganetie erinde amanye koba oyomo obo. Eke nakio gekwaneire boronge ase ring'ana ria Nyasae. Mono-mono, nigo ekworokia boronge kegima koreng'ana nabaonchogete ritang'ani ase egetabu ki'Ogokora Kw'Abatomwa. Korenda manya aria oka akwanire gose ebitambokero bi'ogosoa ase ekanisa y'Omonene:

1. **Omonto goika aigwe ekeene.** “*Ase ayio, okwegena nigo kogocho ase enchera y'okoigwa, na aya tokoigwa nigo agocha korwa ase ring'ana ria Kristo*” (Abarumi 10:17).

2. **Goika amwegene Kristo.** “*Timoichana ase chinkoro chiaino; momwegene Nyasae, nainche monyegene*” (Yohana 14:1); “*Ase ayio nabatebia ng'a namokwe ase ebibe biaino. Onye timokwegena ng'a inche nere, namokwe ase ebibe biaino*” (Yohana 8:24).

3. **Goika omonto aangame ebibe biaye.** “*Nabatebirie, taibo; korende motaonchogeti mwensi namosire boigo*” (Luka 13:3).

4. **Goika omonto aorokie Kristo Omwana o'Nyasae.** “*Naki kera omonto oranyatore ase mwanyabanto, nainche boigo nimwatore ase Tata one ore igoro, korende oyorankane ase mwanyabanto, nainche nimokane ase Tata one ore igoro*” (Matayo 10:32).

5. **Goika abatiswe ase okwaberwa kw'ebibe biaye** (Abarumi 6:3-4; Ogokora 8:26-39). “*Oyoregene na kobatiswa, natooreke, ko oyotegeneti, nagambigwe*” (Mariko 16:16). “*Petero akabairaneria, “Onchoka, mobatiswe kera oyomo ase erieta ria Yeso Kristo, monyore okwaberwa kw'ebibe biaino, na inwe inamoegwe ekeegwa ki'Omoika Omochenu*” (Ogokora 2:38).

Bono inki tosemeretie ase ogosoma oko? Twanyorire ng'a Omonene igo akomenta baria batorigwe ase ekanisa. Aya nigo akworokia ng'a ekero omonto amoigwereire Omonene naigo nario atorekire, omentwa ekanisa eyemo. Twarorire ng'a ase okoigwa ekeene, okwegeena, okwangama ebibe, komoorokia Kristo, na kobatiswa, erio nario omonto akoborigwa. Ase igo, omonto ekero agokora iga, nigo akomentwa ase ekanisa, naigo omoigwera Omonene koreng'ana n'omoroberio bw'ogotorigwa, erio Omonene omenta baria batorigwe ase oko-

bwatia omoroberio oyio ase ekanisa. Enchera ende n'okwaberwa, Omonene agateba ng'a enchera yoka eyio omonto aranyare gosoera ase oboruoti bwa Nyasae ngoetera ase amache n'omoika (Yohana 3:3-5). Korende oboruoti ngento ki? N'ekanisa. (Matayo 16:18,19). Inee! Chinchera nibere Omonene abwate chigosoyia omonto ase ekanisa? Taibo. Ase ayio, ekero omonto egenire na kobatiswa (na oiboirwe na Omoika goetera ring'ana naboigo koigwera amorokererio aye) Erio nario omonto akoiborwa ase oboruoti bwa Nyasae, gose enka ya Nyasae, eyere ekanisa y'Omonene.

Boigo Paulo agateba etwabatisetwe ase omobere oyomo (1 Abakorinto 12:13). Korende omobere ninki? N'ekanisa (Abakolosai 1:18). Emebere nerenga ere? N'oyomo bweka (Abaefeso 4:4; 1:22,23). Inee! Omonto inaki agosoa? Ngoetera Ebatiso. Kristo agateba ng'a goika omonto aegene na kobatiswa erio atoreke (Mariko 16:16). Ase ayio ekero omonto abatisirwe ime y'ekanisa nigo akoba oyomo obo boigo gose oba okomentwa ase ekanisa eyio.

Enchera n'eyemo yoka ere yogotoreka, koreng'ana buna twarigereirie, na Omonene nere okomenta abaterekire ase ekanisa. Aye n'omobwatani bw'ekaniisa ore eyio egosomwa ime y'ebibilia? Onye taibo, rirorio toratoreka. Ringoria ayio, osome, na oigwere Omonene, na ere omonyene nakomente ase ekanisa yaye.

Amaborio

1. Ninki twarorire ase ogosoma gwaito igoro y'ekanisa?

2. Nig'o okwerete ekanisa? _____

3. Nase gento ki ekanisa yagoretwe? _____

4. Ning'o Omotoria bw'ombere? _____

5. Naki tokomanya ng'a ekanisa neyengencho? _____

6. Naseki bande bagoteba ng'a ekanisa tirinengenho?

7. Ekanisa ngotoeia ere? _____

8. Omonto okoba omobwatani bw'ekaniisa goika atoreke? _____

9. Ng'ai Nuhu na mwaye barenge erio gotorigwa korwa ase etoigo?

10. Gotoerka konde kwarengeo isiko yobwato? _____

11. Ning’o okomenta baria bagotoreka ase ekanisa? _____

12. Karue ekebungo gekworokereria ayio _____

13. Omonto onye otorekire nkanisa ki akoba omobwatani?

14. Omonto bene nkoimenta are ase ekanisa y’Omonene?

15. Mbimanyererio ki bitano omonto akobwatia erio amentwe ase ekanisa? _____

16. Omnto natoreke ataigweretie amachiko ayio? _____

17. Ebatiso niki? _____

18. Ekerenga ki’ebatiso nkereki? _____

19. Oboruoti ngento ki? _____

20. Nchera ki eyemo omonto arasoe ase oboruoti?

21. Omobere niki? _____

22. Emebere nerenga ere? _____

23. Naki omonto agosoao? _____

24. Chinchera irenga chire ase ogotoreka? _____

25. Chinchera irenga chire gosoa ime t’ekansa? _____

Ogosoma 8

Ogosasima Gw'ekanisa

Ekanisa nigo ekwagachwa na baria batorekire. Ekerenga kiaye n'okomosasima na komokorera Nyasae goetera Yeso o'Kristo. Paulo agateba, “*Na kera eki mogokora, ase amang'ana gose ase ogokora, mokore kera egento ase erieta ri'Omonene Yeso, mokomoakera Nyasae Tata ng'a mbuya mono goetera asare*” (Abakolosai 3:17).

Nchire chinchera isato chi'ogosasima echio chire ase Okobwatana Okoyia. Ogotang'ani, etogosoma igoro y'ogosasima kw'ogotamanya. Ekeru Paulo arenge ase egetunwa gia Atene, akarora emegwekano emenge, agateba (Ogokora 17:23). Ekiagera ekeru narenge goetanana aria na aria, na korora ebasasimero biaino, nkarora egezasimero kerikire amang'ana aya: ase Nyasae oria otamanyekaneti. Gaki inche nigo nkobarareria chingencho chiaye ere oria inwe mogosasima motamanyeti. Naboigo mbarengeo abatometwe ase ekeru ekio batamanyeti, abange ngokora bare boigo nyonya ngoika rero iga ase engencho y'ogotamanya amariko. Tari chimilioni chi'abanto chioka chigotugamera emegwekano na ebinyasae, korende chimilioni chinginge mono ngotunyana bare ogokora gw'echidini ase ogotamanya amariko.

Ogwakabere, ring'ana ri'Omonene erigokwanera igoro ya baria ogosasima kwabo kore okwabosa. Kristo agateba ase (Matayo 15:9) “*Abwo nigo bagonasasima ogosasima kwa bosa kobakworokereria amorokererio ayare amachiko a mwanyabanto oka.*” Abanto abange ebagosasima ase engencho eyio goika rero iga. Ogosasima kwabo bagosasima Omonene, n'ekeene, korende ogosasima kwabo n'okwabosa gose nkogwenerete gotigwa ase engencho ogokora kwabo nigo kore koreng'ana n'echingencho chia mwanyabanto kobua kobwatana n'echingencho chia Nyasae.

Okwagatato, ring'ana ria Nyasae erigokwana igoro y'ogosasima gw'ekeene, ase Omoika n'ekeene. Etogosoma amang'ana a'Kristo ase (Yohana 4:24). “*Nyasae n'Omoika, na abwo bakomosasima nebagerete komosasima ase omoika na ekeene.*” Eye nero enchera yoka y'ekeene y'ogosasima eye Nyasae agwanchera. Okwo ogosasima kwarenge gw'ekeene ase amatuka aria a Kristo na nakwo kore ogw'ekeene nonya ngoika bono. Ogosasima okwo nakwo gokoragwa n'Omoika (ase ogwekeyia na okomanya) nase ekeene (buna erike). Nyasae tari kobetereria monto onde bwensi komosasima, korende baria bakomosasima goika bakore igo ase omoroberio oye.

1. Bagasangererekana ase okwegera ring'ana, nonya nabo Timoteo konya obeire okworokererigwa amariko amachenu korwa obwana bwaye (2 Timoteo

3:15). Paulo okomosemia buna omorandia omoke (2 Timoteo 2:15): “*Kora buna oranyare kweorokia ase obosio bwa Nyasae buna oyobwancheirwe nere, buna omokori emere-mo oyotagwenereti gosokigwa, ogwatanana boronge ring’ana ri’ekeene.*” Aya naganeirie ase abakristo bonsi mono ekeru basangererekanire ase ogosasima. Ebi nabio ebiro Nyasae agokwana na abana baye goetera ring’ana riaye (Ogokora 20:7). Etogosoma igoro ya Paulo gakorandia ase abegeeni buna enchera eyemo y’okorandia ring’ana ria Nyasae.

2. **Bagasaba.** Nyuma y’abanto kobamwengenire ase rituko ria Pentekosti etogosoma ase (Ogokora 2:42): “*Barabwo bakagenderera ase okworokereria kw’abatomwa na ase obomo, ase ogosamunyora omogatina ase ogosaba.*” Goetera ogosaba kw’abanto b’Omonene nario bakoba neribaga gokwana na Tata ore igoro. Ninki omokristo aganeirie korengereria ekeru basangererekanete na abakristo band ease ogosasi-ma na tibaba n’ogosaba?

3. **Bagatera amatera y’okomotogia.** Paulo akarikera abamwabo. (Abaefeso 5:19): “*Motebereranie ase chizaburi, na amatera, ne chingero chi’omoika; motere na kobugia amariogi ase Omonene ase chinkoro chiaino.*” Boigo soma Abakolosai 3:16 na Abaiberania 13:15.

Ntore nechingencho ibere chi’ogotera. Eyemo yabo, n’ogotera kw’emenwa, na okonde nkorika kore nebibugia. Ngotera ki Nyasae aganetie? Nigo aganetie amatera y’emenwa oka. Paulo agateba ng’a nigo togenerete goterera Omonene korwa ase amariogi y’emenwa akorwa ase emioyo yaito ase Omonene. Eke nigo kegotugutera aare amatera are nebibugia. Abakristo b’eritang’ana nigo baterete amatera y’okomotogia Nyasae. Emiaka gete koyaetire abanto bakamenta ebibu-gia, korende Nyasae tachigete bon a Nyasae takobianchera. Abakristo tibakomobaka Nyasae na amatera are nebibugia nonya ng’ake kobua komobaka Nyasae nebibugia ase amasabo.

4. **Basangererékana gosamunyora omogati.** Ntore n’ekiorokereri eke ase Ogokora 20:7: “*Ase rituko ri’eritang’ani ri’echuma, ekeru twasangererekanete ase ogosa-munyora omogati, Paulo agakwana na barabwo, agachiererera namang’ana aye goika botuko gati, ekiagera arengereretie komanora rituko ria kabere.*” Ase Matayo 26:26-28 na 1 Abakorinto 11 etokworokererigwa gosamunyora omogati ase okoinyora omobere o’Kristo naboigo gosanga egekombe ekere okwama kw’omosabibu ase okoinyora amanyinga a’Kris-to. Ntoganeirie gokora bo botambe ase ogosasima ase amatuko aya.

5. **Bakarwa koreng’ana n’okonyora kwabo.** Paulo akabachika abakristo ba Galatia ase (1 Abakorinto 16:2): “*Ase kera rituko rie ritang’ani ri’echuma,*

kera oyomo ase more abe okogacha mwaye ensemu ase eke anyorire, koreng'ana buna aranyare, erinde ebiegwa tibisangererigwa ekero nachire.” Boigo (2 Abakorinto 9:7).

Abakristo aba beritang'ani ebare koumerana kera rituko rie ritang'ani ri'echuma (Ogokora 20:7; 1 Abakorinto 16:1,2). Gosasima Nyasae. Bagakurerwa, *“Titotiga gosangererekana amo, buna engencho y'abande ere, korende toremanie intwe ase intwe, kobua mono ekiagera moroche ng'a Rituko riria riaikire ang'e”* (Abaiberania 10:25). Abakristo bekero eke mbaganeirie gosasima ase rituko erio boigo, na boigo kogenderera gosemania. Ogosasima gw'ekanisa nigo kore okwororo korende kwanyora ng'a abange tibatageti obeng'e bobw'ororo obwo. Nigo bagokaga ng'a nkoganeirie kobe ogotambe, na komenta chingencho chiabo chia kare, na bagenderera n'ogokora okwo, na gotererera amang'ana amaange ase ogosaba na ayande. Korende teri boigo. Nyasae naruete omoroberio oye bw'ogosasima ase abanto baye kobwatia na monto onde tari ore n'okobua goonchora. Nyasae na mamincha. Titoganeirie komenta gose korusia totancheiri korwa ase Nyasae na mamincha ase baria bagokora boigo. Nyasae okwanire, na abanto baye goika baigwere. Erio nario rioka Nyasae arasasimwe, arabakwe, na gosikwa.

Amaborio

1. Inaki ekanisa ekoba ekanisa ? _____
2. Ekerenga gi'ekanisa nkereki? _____
3. Ninki keganeirie gokorwa ase erieta ri'Omonene? _____

4. Ogosasima nara karenga gokwanire ase emuma enyia? _____
5. Ing'ai Paulo arengere ekero aroche emegwenakano egosasimwa? _____

6. Inaki abatebetie igoro y'ogosasima kwabo? _____

7. Abanto mbareo rero bagosasima ogosasima kong'a buna okwo? _____

8. Ning'o obatebetie ng'a nigo bagosasima ogosasima kwa bosa? _____

9. Naseki ogosasima kwabo kwarenge okwabosa? _____

10. Korwe ekebungo ase amang'ana ayio akwaneire? _____

11. Abanto mbareo amatuko aya bagosasima Omonene ogosasima kwa bosa?

12. Ogosasima gw'ekeene nkoroki ? _____

13. Kwanera Yohana 4:24 _____

14. Gosasima Nyasa ease Omoika, engencho yaye ninki? _____

15. Gosasima Nyasa ease ekeene, engencho yaye ninki? _____

16. Ngosasima ki, Nyasae atagete abanto bare abaye bamosasime ? _____

17. Ing'ai togosoma enchera abanto b'Omonene baganeirie gosasima ? _____

18. Nkwanera chinchera isano echio chigokoreka ase ogosasima? _____

19. Inaki Nyasae agokwana na mwanabanto ase amatuko aya? _____

20. Inaki abana ba Nyasae bagokwana na Nyasae? _____

21. Amatero nara karenga areo? _____

22. Kwanera igoro y'amatero Nyasae aganetie. _____

23. Emesa y'Omonene ngento ki? _____

24. Ituko ki ri'ewiki abakristo baganeirie gosangererekana? _____

25. Ogosasima koreng'ana buna Nyasae aganetie, namente gose orusie? _____

Ogosoma 9

Emeremo Y'ekanisa

Ninki gekogera Ekanisa ereo? Ekerenga kiaye ninki? Emeremo yaye nere-ri? Komanya aya nokogenda ase ring'ana ria Nyasae.

Ritang'ana ase onsi, tiga tomanyeng'a ekanisa teri ase oboonchoreria, na korwa obokonyi ase amorokererio yense. Naboigo ekanisa teri koroisia ebitabu bikoongwa buna enchera y'okwenyorerera chibesa. Ebinto ebi nebiya, na kera omokristo bene nare n'obosire kobikora, ekiagera teri meremo ya kanisa. Mono-mono chidini chiense chiesoananirie ase ogokora okwo na chiagenderereire koba aare korwa ase omoroberio omoikeranu o Nyasae ase bibilia na boigo koreng'ana nemeremo abanto baye baganeirie gokora.

1. **Korende n'okorandia Enchili.** Kristo akaorokereria Abatomwa, kabokire konya ataragenda igoro. (Matayo 28:19-20): “*Yeso agacha akabatebia, nairwe okobua gwonsi igoro na ense. Gaki genda mokore ebisaku bionsi koba Aborokigwa, mokobabatisa ase erieta ria Tata, neri'Omwana, neri'omoika Omochenu, Mokoborokereria kobwata aya onsi nabachigete; na roar, inche nigo inde amo nainwe goika omoerio bwense*” (Mariko 16:15-16). “*Akabatebia, genda ase ense yonsi, morandie Enchili ase kera egetongwa. Oyoregene na kobatiswa natoreke, ko, oyotegeneti nagambigwe.*” Nyuma yaye Paulo akaba ogosemia omo-sae Timoteo (2 Timoteo 4:2). Ebibungo binde anga mbiarugwa korende ebi nigo bikwarokia okogania kw'Omonene ase enchiri korandigwa.

Ninki ekanisa yakorete ase ekero keria ki'abatomwa? Ababwatani nigo bakorete eki Omonene atebete bakore. Bakandia ring'ana. Buna bono Egetabu ki'Ogokora kw'abatomwa, nigo kere n'ebiorokererio ebinge buna eke. Ase okoborigwa gwonsi, omorandia nigo arenge koboko na koboko korandia ogwancha kw'Omonene. Soma 2,8,9,10 na 16. Ning'o ore kw'orokereria na korandia? Eke-ro konya emechando emenene yacherete ekanisa ya Yerusalemu, etogotebigwa ng'a, “*Na baria baserebanetigwe bakagenda chinsemo, nenchinsemo, bakarandia ring'ana ria Nyasae*” (Ogokora 8:4).

Ekende neke, ninki barandetie? Boigo, eki oganeirie gokora n'ogosoma igoro yagoonchorwa kwabanto ase egetabu ki'Ogokora na norore aye omonyene. Korende ase obweng'e, nigo baorokereretie aya Kristo, eki omonto arakore erio atoreke, engencho y'ekanisa, omoroberio bw'ogosasima, engencho y'obogima bw'obokristo, na ayande. Paulo nayakwanete, “*Naki ring'ana ri'omosalaba n'oboriri ase abwo bagosira, korende ase tore intwe aba twabeire togotorigwa nigo rire chinguru chia*

Nyasae” (1 Abakorinto 1:18).

Ase ekeene Omonene nachigete ng’a ring’ana riaye rirandigwe, Paulo agateba ng’a okwegena nigo kogocho ase enchera y’okoigwa na aya tokoigwa nigo agocho korwa ase ring’ana ria Kristo (Abarumi 10:17). Boigo Kristo agateba, “*Naende na momanye ekeene, na kerokio na kebasibore*” (Yohana 8:32). Boigo, “*Inee! Naki baramanagerie ere bataramwegena? Naende inaki bwaramwegene oyo batanakoigwa amang’ana igoro yaye? Naende inaki baraigwe batari n’omorandia?*” (Abarumi 10:14). Aya onsi n’ogoteba ng’a mwanyabanto n’omosiru (Abarumi 3:23; 6:23). Obwanchani bwa Nyasae goika borandigwe (Abarumi 5:8), Kworokia ng’a Omotoria o’mwanyabanto nareo (Yohana 3:16). Na, ng’a goetera koigwera Nyasae mwanyabanto natorigwe korwa ase ebibe biaye (Abarumi 1:16-17; Mariko 16:15-16). Baria batamanyeti ogwancha kwa Nyasae na koigwera, na basire boigo (2 Abatesaloniki 1:7-9). Ase ayio goika ring’ana ria Nyasae rirandigwe.

2. **Gokonya abaremeire.** Ntore nekiorokerio ase ring’ana ri’Omonene erikworokia ng’a ekanisa korigereria yare baria bare nokogania kwogokonywa, na ng’a mbakonyetwe buna okonyora kwabo kwarenge. Ase (Ogokora 2:45) “*Bakaonia chinibo chiabo na ebinto ebibarengwe nabio, na kobigabera abanto bonsi koreng’ana buna kera oyomo aremeire.*” Etogosoma ogokonya oko, nigo bare gokonya korwa aase ebiare koruegwa n’omoyo bw’ogwancha. Korende naende ase Ogokora 6 etogosoma igoro okwemurungania kwabete gati Yabayaudi. Bono ase amatuko aria, ekeru aborokigwa barengwe komentekana omobaro obo, nkwabete okwemurungania kw’Ayaudi abarengwe gokwana ekegiriki igoro ase Abayaudi baria barengwe gokwana Ekearamaiki, ekiagera ababoraka babo bebetwe ase okogaberwa gwa kera rituko. Erio Abatomwa bakarangeria Aborokigwa gocha aamo, bagachora abasacha batano na babere korwa ase egati yabo erinde ban-yare gotenenera emeremo eye y’ekanisa.

Etogosoma igoro ya Paulo gochia Yerusalemu gokonya abachore abarengwe abaremerwa, aroro akagenderera gokwana, (Abarumi 15:26) “*Naki agweneire abanto ba Makedinia na Akaya gosangereria ebiegwe bi’ogokonya abachenu ba Yerusalemu, baria bare abataka.*” Na boigo akarikera abanto ba Korinto (1 Abakorinto 16:1,2): “*Bono ase amang’ana ogosangererigwa kw’ebiegwa ase abachenu, buna nachigete abanto be chikanisa chia Galatia, nainwe mokore boigo. Ase kera rituko rie ritang’ani ri’echuma, kera oyomo ase more abe okogacha mwaye ensemo ase eke anyorire, koreng’ana buna aranyare, erinde ebiegwa tibisangererigwa ekeru nachire.*”

Ning’o oganeirie gokonywa? Mbaria baremeire bare ime y’ekanisa, ri-

tang'ani abwo bare abataka, abagotu, ababoraka, egento kia mobasokano, chintakana chia abakristo, na abande buna abwo. Etogosoma ayio ase (Aba-galatia 6:10): “*Nabo gatorabe ne ribaga tokorere abanto bonsi Amaya, korende kobua mono abwo bare abokwegena.*” Korende tari kera oyomo oganeirie gokonywa. (1 Timoteo 5) etomanyete ng'a omonto beene naganeirie gokonywa kogenderera onye ere ng'a takonya gwekonya ere omonyene, na onye tari na moiri oyoramokonye, na ng'a goika aenekigwe ng'a n'omokristo omoikeranu are. Ase igo chibesa chikorugwa ase Omonene goika chikore gwatanana gotaiyo,teba ng'a nase onde bwensi oyogosaba.

Tari ababwatani boka baganeirie gokonywa, korende nabanto bonsi abarigetie ogokonywa, ekanisa ekonye koreng'ana nokonyora kwaye (Yakobo 1:27 na Yakobo 2). Neyio nenchera eyemo y'ogokera abanto n'enchili.

Rende ng'ai chibesa echi chigokora emerermo eye chikorwa? Nigo chikorwa ase ababwatani, koreng'ana buna baranche korwa. (1 Abakorinto 16:1,2 ; 2 Abakorinto 9:6,7). Nakwo ogoteba ng'a onye abakristo tibakorwa, ekanisa tigotwara enchera y'ogokonya abare nokogania kw'ogokonywa.

3. **Gokinia Ekanisa.**

Gokinia engencho yaye n'okwagachana, kobekana chinguru, koremania, gokonya ababwatani b'ekanisa, gokina kemoika. Mbinto ki biria bigokinia ekanisa? Ring'ana ria Nyasae, ogosanga, na koba ase ogosasima, gokonyana, ogokora okuya, obwanchani, na ayande buna ayio (Ogokora 9:31; Abarumi 14:19; 1 Abakorinto 8:1; 1 Abatesaloniki 5:11; 1 Abakorinto 14:26; 2 Abakorinto 12:19 na Abaefeso 4:12). Agakora boa se ogoikerania abachenu ase emeremo yobosomba, goika omobere o'Kristo oogachwe.

Ase ogokorerera, abanto abange nigo bagokumia ng'a inaki ekanisa eran-yare gokora ebinto ebi batari na ekeombe gi'ense gekorwa obokonyi, na batari na monto buna omotwe obo, na batari na ogosangereria kwa bene. Korende enchera y'Omonene nenyikeranu, na nero yoka enchera egokora emero yaye. Nyasae goika aegwe obonene, gosikwa, na koimokererigwa igoro, rioka eke-ro torakore ogwancha kwaye na goikerania ekerenga giaito kobao. Kristo nere ore omotwe bw'ekanisa na kera omosangererekano, naboigo are nonya nase ababwatani baye, gokora ensemu yabo. Ekanisa boigo goika ekore emeremo yaye ekero rioka ababwatani bakore koreng'ana nokonyora kwabo erinde ebinto bi'ororobe.

Okorandia, gokonya abare n'okoremerwa, na komanya buya ababwatani

baye, na engencho y’ogokorera emioyo ya mwanyabanto na, goika omoerio, Nyasae abakwe ase ayio onsi. Ekanisa teri na meremo goetania eyio. Baria bakorigia, obogambi bw’ense eye, abaonchoreria, na bagera ekanisa yaba eyabosa korende omosangererkano ore boronge nigo okogenderera koraa ase ring’ana ria Nyasae. Ekanisa y’Omonene nigo ere omobere okemoika, nigo ere ase ense korende teri eyense eye, okogania kwaye nokomorigia Nyasae na gokorera abanto, na kogenderera koba abaikeranu na abachenu, ase ogotoreka kw’ababwatani baye bonisi, na boigo ase okoimokererigwa kw’Omotongi obo. Eye nero ekanisa y’Omonene, na emeremo yaye, na obokoreri bwaye.

Amaborio

1. Ekanisa y’Omonene teri ase oboonchoreria borobiobo? _____

2. Chidini chire ase ense ngwesoyia chire ase oboonchoreria obonge erio kwenyorerera eng’eria? _____
3. Emeremo y’ekalisa nererieye? _____

4. Karwe ogochika kw’Omonene buna gokwanire ase Matayo 28:19-20 ; Mariko 16:16. _____

5. Teba eki abakristo bakorete ekero baserebanetigwe? _____

6. Mbintoki, barandetie? _____

7. Inaki okw’egen a kogocho? _____

8. Ninki keratosibore? _____

9. Inaki omonto agotoreka? _____

10. Ningo arache gosira? _____

11. Ekanisa neganeirie korigereria baria bare n'okogania kw'obokonyi? _____

12. Mbarabi bare korwa obokonyi ase abachore abataka baareng'e Yerusalemu? _____

13. Mbosi baganeirie gokonywa? _____

14. Mbanto bangenchi ki, baganeirie gokonywa ritang'ani? _____

15. Karwe ekerengo keganeirie ase obokonyi? _____

16. Abare isiko y'ekanisa, mbaganeirie gokonywa boigo? _____

17. Ng'ai chibesa echio chiganeirie korwa erio chikonye abaremeire? _____

18. Indi chibesa echi chiganeirie gosangerererigwa? _____

19. Kwanera erieta eri, okwagachana. _____

20. Mbintoki biganeirie ase okwagachana? _____

21. Inaki Nyasae akobakwa na gosikwa? _____

22. Ning'o ore omotwe bw'ekanisa? _____

23. Inki kere ekerenga ki'obokereri bw'ekanisa? _____

24. Ekanisa, n'eyense? _____

25. Ingaki ki ekanisa ekoba n'oboonchoreria n'okwamererania? _____

Ogosoma 10

Obomo Bw'ekanisa

Chidini chi'ense ase ekero eke nigo chikororekana koba chingiya mono kokua obomo bw'ekanisa. Ase okogenderera gw'ekemwanyabanto babeire bakogenderera n'echingencho chi'amwanyabanto ase aase. Engencho yaye neria ng'a nase engencho y'ogwatananeka okonge ase ense, ase ayio okorosa kwabeireo. Naboigo, obomo tibokoretwa goetera chidini chi'amwanyabanto ekiagera tichigwancherana. Ogwatananekana goika kogenderere kobao ase ekeene ekiagera kobwatana tikoiyo nonya n'obomo. Inki bono orairanerie? Okoiraneria nkorwa ime y'ebuku enyene. Erio koba n'obomo bw'ekeene kogenderera goika mwanyabanto atigane n'amorokererio abo, amarieta abo, achikanisa chiabo, kwegena ebitabu biabo abanyene, nayande buna ayio., na kobogoria ebibilia, basome na kw'egera korwa bibilia, bayiegene, na koyiegena. Erio nario obomo oboikeranu borabeo, koreng'ana n'ogosaba kw'Omonene ase Yohana 17. Ekero abanto barakore igo, erio nario barabe n'okwegena okomo, bonsi baigwere amorokererio ayamo, bonsi babe n'erieta erimo koreng'ana n'amariko, bonsi bakore emeremo ase obomo, bonsi borokererie ayamo, erio bonsi banyare gosoa igoro. Nigo arabe bw'ororo ase obomo kobao ekero mwanyabanto baratige kobwatia mwanyabanto babwatie Kristo.

Amariko nigo akoragereria omwatananeko. Ebibilia egoteba ng'a nigo agechete baria bakorenta ogwatananekana (Emereng'anio 6:19). Omotomwa Paulo akaira ribaga ria bwango gosaria ring'ana erio. "*Nabasoroire inwe, baminto, ase erieta ri'Omonene oito Yeso Kristo, mokwane mwensi ayamo, erinde ogwatananekana tikoba asemore; korende mobe nokobwatana ase ebirengererio ebimo na okogamba okomo*" (1 Abakorinto 1:10) erio akagenderera ase okoboria amaborio atato, kera erimo eriare kw'orokia okogwa kwabo. Akaboria, Inee!, Kristo naatananekire? Naende, Inee! Paulo nabambetwe ase engencho yaino? Mwabatisetwe ase erieta ria Paulo? Ase amabori aya onsi atato iyababetereretie koiraneria koreng'ana buna aboririe. Naorogetie okoremerwa kw'ogwatananeka kwabo.

Paulo Omotomwa oyio oyio akarikera abaminto abarenge Rumi "*Nabasoroire baminto, morigererie baria bakorenta ogwatananekana ne chingencho chikogera abanto bagwe korwa ase okwegena kwabo, chire mamincha y'okworokererigwa mworokereretigwe; mweatanane korwa asebarabwo. Naki abanto banga buna abwo tibari gokorera Omonene oito Kristo, korende nechinda chiabo bagokorera abanyene; na ase amang'ana amororo na ay'okwegwenia bang'aina*

emioyo y'abanto batetenenereti ase ebirengererio biabo" (Abarumi 16:17-18). Ase (Abakolosai 2:20-22): *"Gaki, onye mwakure amo na Kristo, mwatigire amorokererio aye ritang'ani ay'ense, nase ki rende mogenderere bunab'ense more? Nase ki naende mokoigwera amachiko buna ayio: "Timokuna, Timoigwa, Timobwata", koreng'ana buna mwanyabanto bakoyanyora ase amachiko na amorokererio abo? Amang'ana ayio onsi nigo agosareka ekerogokorerwa."*

Na onsi n'ogoteba ng'a aya onsi namorokererio amwanyabanto, na boigo amachiko amwanyabanto koimokereria mwanyabanto igoro, ase okobwatia eb-
itabu ebiao goetania Ebibilia, ebio bikoreta ogwatananekana. Engencho ende, obomo mboganeirie na kogokera okomobwatia Kristo: *"Gose tari barabwo boka nasa-beire, korende na baria baranyegene ase engencho ye ring'ana riabo, bonsi babe abamo, buna aye Tata ore ime asende, na inche ime yao, erinde na aba babe abamo ime yaito; ense enyare kwengena ng'a naye gwantomete"* (Yohana 17:20,21). Igo Kristo nigo asabete egetanyarekane? Yaya. Ekeene nkeria ng'a obomo goika bobeo. Ririri eri? Nekero toramobwatie Kristo. Amorokererio amwanyabanto nigo akoreta ogwananekana korende amorokererio abibilia nigo agotobwatania amo.

Abaefeso 4:1-6 ntore nekiorokereri ki'obomo. Ase (Abaefeso 4:1-6) Ntoroche obomo buna obwo. Igwa: *"Ase ayio inche omosibwa ase engencho y'Omonene nabasoroire mogenderere buna egwenerete okorangerigwa kwaino mwarangeretigwe ase obokanyeku bwonsi na obwororo, na ase oboremereria mokobogorerania ase obwanchani. Mokore omokia konyora obomo bw'Omoika ase egesibo ki'omoremba. Omobere n'oyomo na omoika noyomo buna mwarangere-tigwe ase ogosemeria okomo gw'okorangerigwa kwaino. Omonene oyomo, okwegena okomo, eba-tiso eyemo, Nyasae oyomo, nere Tata obonsi, oyore igoro ase bonsi, goetera ase bonsi, na ime ase bonsi."* Manya ng'a oko n'ogosorora kw'obomo. Manya boigo, ng'a eke nekemo kiabo gekwanerete obomo. Ning'o ore nekerengererio ng'a obonge bw'obomo mboreo goetania obw'abegetwe?

Obomo bw'ekanisa nigo bokororekana Kristo kagoteba ng'a naagache ekanisa yaye (Matayo 16:18). Engencho yaye ekanisa n'eyemo eyere omobere oye okemoika (1 Abakorinto 12:27). Ekeene onde tari ore omotwe bw'ekani-sa eyio eyemo (Abakolosai 1:18). Onde tari oramosoere Kristo koba emebere ebere gose emetwe ebere (1 Timoteo 3:15). Korende chinyomba n'echinka iren-ga chire? Ase Kristo are Omoruoti (Yohana 3:3-5; Abakolosai 4:11; 1 Timo-teo 6:15). Amaruoti narenga Omonene abwate, na abaruoti mbarenga bareo? N'oyomo bweka ase ayio aboririe.

Ekeene ebibilia yabeire okwamererigwa n'amorokererio y'echidini, na okwo nakwo ogwatananekana. Engencho ende, nigo ekworokia okobwatana,

obomo, na oboikeranu. Ase ayio ebibilia teri kworokia ekanisa koba omobere obotambe koreng'ana n'okwegena gw'echidini na ogokora kwabo, igo ekworokia ng'a ekanisa n'eya Kristo, ekwagachwa nabarangerigwe korwa ase ense, baria bakomotunyana Kristo na baigwerete amorererio aye Kristo, abwo batoregete. Kristo taraatananekana na ekanisa yaye nero teraatananekana boigo. Ogwatananeka gose korenta ogwatananeka gwa nchera ende yonsi okwo n'okoamereria Kristo koreng'a n'ogosaba kwaye.

Amaborio

1. Ogosaba gose moroberio onde noreo igoro y'obomo bw'ekanisa? _____

2. Ingencho ki eganeirie ase obomo? _____

3. Obomo mbonnyare korentwa goetera chidini erio bonyare gwancherwa gose gotancherwa? _____
4. Okoiraneria nkoroki igoro y'obomo? _____

5. Inki abanto baratige erio obomo bomanye koba? _____

6. Ning'o osabete ng'a twensi tobe abamo? _____

7. Inki tokonyora korwa ase obomo? _____

8. Amariko nkwangare ogwatananeka? _____

9. Ning'o Omonene agechete? _____

10. Teba amang'ana agotoka ase 1 Abakorinto 1:10. _____

11. Korwe amaborio atato aya Paulo aboretie Ekanisa ya Korinto? _____

12. Nkeombe ki'abanto ki keganeirie korigererigwa? _____

-
13. Ningo bagokorera? _____
14. Ntoganeirie gweatanana korwa ase bare? _____
15. Ning’o oria ogosasima Nyasae ogosasima kwa bosa? _____

16. Ngento ki Kristo asaberete? _____

-
17. Nigo asabete ogosaba gotanyarekane? _____
18. Karwe omoroberio bw’obomo. _____

19. Mbarenga barenge kera oyomo? _____

20. Chikanisa nirenga Kristo aagachete? _____

-
21. Ekanisa ninki? _____
22. Ning’o ore omotwe? _____
23. Kristo nabwate emetwe gose emebere goetania Tania? _____

24. Chinka nirenga Kristo abwate? _____

25. Ring’ana ria Nyasae nigo rigotwanana gose nigo rigotwanana? _____

Ogosoma 11

Okwegena Gw'ekanisa

Erieta okwegena nigo rikorwa ase omonwa bw'ekeratini, (Credo) ogoonchorwa kwaye, “n’okwegena, nokobua koreng’ana buna chidini chiegenete; moroberio onde bwonsi gose okoorokia koreng’ana n’okwegena gw’echidini; ase obweng’e n’ogwetenenera gose ebirengererio birugwa gose bigokorerwa.” Ekeru omonto akorengereria igoro y’okwegena nigo akorengereria “igoro y’okwegena kw’abatoma” na boigo “okwegena kw’anobasiani” korende, nonya nokomo kwabo tikori konyorekana ase ebibilia. Nonya nabo, kera ekanisa echarikirie na mwanyabanto nere n’okwegena kwabo abanyene koreng’ana n’omoroberio obo, obwegamberi, okoorokia gw’okwegena kwabo, na ayande boigo, ayio onsi nigo are okomenta ase ring’ana ria Nyasae.

Nokogokia ase egetabu kende gionsi kegokonya ebibilia, kebuate amange mono? Egetabu kende gionsi kerikire korwa ase ebibilia, kebuate amang’ana amake mono ase ebibilia. Egetabu kende gionsi giokwegena ekio tikeri kende, otatiga korwa ase ebibilia. Tikeri na ngencho ekiagera ntore n’ebibilia. (Okomanoka 22:18-19; Abagalatia 1:6-9) nigo bikworokia ekeene ng’a titogwenereti komenta kende ase ring’ana ria Nyasae, titogwenereti korusia korwa ase ring’ana ria Nyasae, naende titogwenereti goonchora amariko aya arikire ase bibilia. Ase amang’ana ande, amariko naikeranete (2 Timoteo 3:16-17), ase oboikeranu (Yakobo 1:25), netogwenerete gokwana koreng’ana n’ering’ana ria Nyasae (1 Petero 4:11). Netogwenerete kobwatia amorokererio are imeo na kworokereria abande korwao.

Chidini chi’ense nigo chire n’ogwatananeka rero iga tari ase engencho abanto babwatetie ring’ana ria Nyasae, korende nase engencho babwatetie okwegena kwa mwanyabanto. Okwo n’okoamererenia ng’a kera ekanisa goika ebe n’amachiko aye bene, na ayande anga buna ayio. Ekeru igo oko n’okworokia ng’a ebibilia yatigirwe. N’obobe bore inaki. Ogosorora gwaito nkori ng’a bonsi banyare gotiga ebitabu ebirisirie na mwanyabanto erio koirana ase ebibilia eyio ere ring’ana ria Nyasae. Ebibilia teri gotwatanana korende nigo ogotobwatania ime ase Kristo Yeso.

Nkwegwana ki kore ekanisa y’Omonene? Titori n’omotoria onde otatiga Kristo na okwegena konde tikori otatiga ebibilia. Ebirengererio biaito na okomanya gwaito ase chidini nigo bise bosa. Titori n’ogoonchwa kwa bobisi ase

ebibilia. N'ebibilia yoka. Twabeire tokoigwera amorokererio y'ebibilia na gosiemera abande ime y'ebibilia. Okogania kw'ogosorora gwaito nkorina ng'a kera oyomo abe ogosoma na kwegera korwao. Netogwenerete kobwatia amorokererio are imeo na kworokereria abande korwao. Okogani gwaito nkorina ng'a kera oyomo asome bibilia (Yohana 5:39; 2 Timoteo 2:15).

Titori kobwatia ebitabu bimentire. Titori na kwegena monto onde nareo ararike egetabu kiamachiko na amarago kobwatigwa koreng'ana n'ebibilia. Titokwegena ng'a Omonene naete onde ribaga ri'okorika egetabu buna ekio. Titwegeneti ng'a Omoika Omochenu nkoraa ore onde bwensi korika egetabu ekio.

Ring'ana ria Nyasae nario riratogambie ase rituko ri'omoerio (Yohana 12:48). Ase engench eyio, na echinde, nigo togosemia abande nababwo gokorabo. Komanya ekeene nigo toganeirie togende ebibilia, ekiagera nero ere ekeene. Tokonyora ekeene otatiga rioka gwachire ase ekeene kere. Boigo kwegena ekeene goika oigwe ekeene (Yohana 17:17). Tokonyara konyora ekeene otatiga rioka gwachire ase ekeene ekere. Naboigo kw'egeena ekeene, goika oigwe ekeene. (Abarumi 10:17). Tari ogokumia ng'a obonge bw'abanto nigo bagosirigwa ase amang'ana y'obokristo. Tari ogokumia ogwatananekana kwabeire okonge na boigo okoburukana kwabeire gati y'obokristo ase ense. Mwanyabanto babeire bakorigia obokonyi korwa ase mwanyabanto kobua korigia obokonyi korwa ase Omonene. Mwanyabanto babeire bakoiranera amorokererio amwanyabanto kobua korigereria aya arikire ase ebibilia. Ekeene, boigo, goika omonto airane ase bibilia onye origetie gotoreka.

Etogosemia abanto koirana ase ebibilia na komanya ekeene igoro y'ekanisa. Okoamerererania gw'echikanisa n'okonge ase ense. Bono nereri ere y'ekeene? Neganeirie omonto abeke amorokererio are ao neyende? Ase engencho monto onde tari ogochia ase egetabu keria kegokwana ekeene igoro y'ekanisa. Ekero arabe osomire ekeene igoro y'ekanisa y'Omonene, takoba na bokong'u bonde konyora ekanisa eyemo eyebwatetie amorokererio y'ebibilia.

Etogosemia abanto koirana ase bibilia erio bamanye ekeene eki'omonto aganeirie gokora erio atoreke. Koreng'ana namorokererio amwanyabanto chinchera nechinyinge chiogotoreka, korende ekero omonto agochia ase egetabu kia Nyasae nigo akonyora ng'a nigo ebekire bwororo ng'a omonto goika aigwe ekeene, egeene ekeene, aonchoke korwa ase ebibe biaye, omoorokie Kristo, na abatiswe ase okwaberwa kw'ebibe biaye (Mariko 16:15-16; Ogokora 2:38).

Ngencho ki eng'ao mwanyabanto bakokwana? Omonene bweka nere

ogotoria, naboigo goika Omonto aigwe, amwegene, erio atoreke.

Goika tosemie abanto gosoa ase biblia komanya buna ebagwenerete gosasima Nyasae. Mamincha neki omonto agokwana, ekiagera nchera tichiri nyinge ase ogosasima. Ebibilia nigo ekworokereria ng'a enchera neyemo ere nan abo Omonene akwanete ase ring'ana riaye (Yohana 4:24).

Tari ase amang'ana aya oka, korende namange koreng'ana n'ogotoreka na obogima na obonyasae, ntoganeirie koamererania oyomo ase oria onde eria twensi togende ase bibilia erio tonyore ekeene ase ayio. Ekero omonto amenyete na komanya ng'a tokonya koigwa ebibilia, na ng'a tari twensi toraigwe ebibilia, eke tikeri keene. Ekerecha nigo kerigetie omonto koba aare korwa ase ebibilia erinde anyare gosira. Korende erio gotoreka goika omonto ache ase ebibilia, ayiegeene, na ebe nero yoka okomoraase ase amang'ana y'obokristo. Erio nario rioka aranyare gotoreka, ekiagera erio nario rioka arabe omonyaboronge.

Okwegena gwaito nkoroki? Iye-Yeso o'Kristo n'ering'ana riaye. Onde tari goetania Kristo. Igo twegenete ng'a Kristo n'omwana o'Nyasae, ne'ring'ana nario kera egentose ase abakristo. Twaritabire na koribwatia rirorio rioka. Nigo tokoboria bonisi gokora boigo. Okwegena kwa mwanabanto egokora gochia ase aamo engencho yaye obosiru. Yeso agakwana ase *“Yeso akamoiraneria, “Inche ninche enchera, na ekeene, na obogima; monto onde tagocha ase Tata otatiga goetera asende”*(Yohana 14:6).

Amaborio

1. Omogondo norori. _____.
2. Eresa igoro y'ogosemeria? _____.
3. Ninki chidini chirosirie na mwanabanto chibwate? _____
4. Teba ekerabe ase baria bakorusia gose komenta ase ring'ana ria'Nyasae? _____.
5. Amariko namaikeranu? _____.
6. Ninki kereboronge? _____.
7. Naki tobwenerete gokwana? _____.
8. Kogania konde nkore ase okomenta kwe bitabu? _____
_____.
9. Naseki chidini chibagegete ase ense engaki eye? _____
_____.

10. Ebibilia ngotobagana ere? _____.
11. Ogosemeria nkoroki kore ase ekanisa y'Omonene?
_____.
12. Toren nobosibore gonchora amariko itwe abanyene?
_____.
13. Monto onde nare orarike egetabu kebwekane ebibilia?
_____.
14. Omonene naete onde okobua gwokorika egetabu na goteba kebwekaine nebibilia? _____.
15. Ng'ai ring'ana ria'Nyasae riaruete? _____.
16. Ing'ana ki riratogambie rituko riomoerio? _____.
17. Ekeene ngento ki? _____.
18. Nase ng'o mwanyabanto bakonyora obokonyi?
_____.
19. Ngetabu ki toragende gosoma ekeene igoro y'ekanisa?
_____.
20. Chinchera nechinyinge chire ase ogotoreka? _____
_____.
21. Naki ebibilia ekwegeria ng'a naki omento arakore atoreke?
_____.
22. Omonene naigorete ase ring'ana riaye naki omento agosasima?
_____.
23. Ebibilia nkogweka ere? _____.
24. Twensi koigwa tore ebibilia buna ere? _____.
25. Nig'o ore oyomo enchera yokogenda igoro? _____.

Ogosoma 12

Omogano Bw'ekanisa

Ase Ogokora 2 egetambokero nkereo igoro y'ogochaka gw'ekanisa (Oboruoti). Abatomwa ebare Yerusalemu, Omoika okabaikera, ebisaku ebinge bigachiao gosangererekana ase rituko ria Pentakositi. Petero na Abatomwa ebakoraria ng'a oko nogoikerana kw'obobani bwa Yoeli, Kristo konya okure na amatuko omoe-rio gochaka. Ogoonchoka na okwaberwa kw'ebibe gokarandigwa, ang'e abanto chilifu isato (3,000) bagategerera okorandia gw'enchili na kobatiswa, na Omonene akabamenta ase ekanisa yaye. Korwa Yerusalemu enchili egaika Boyaudi yonsi, goika Samaria, na goika ense yonsi na kera egetongwa inse yerioba (Ogokora 1:8; Matayo 28:19-20; Mariko 16:15-16; Abakolosai 1:23).

Ekanisa ekaba egokina ase ekero keria ki'abatomwa, na ekaba ekonda aaria na'aria. Nyuma yo'goonchoka gwa Paulo, akaba n'orogenda ara gatato, tari ase okorandia enchili ase abayaudi boka korende akarandia boigo ase abanto be'bisaku. Goetera okondia gwa Paulo abange bakaborigwa, n'emesangererekano y'ekanisa y'Omonene egachakigwa ase chinsemo chia Esia na Yuropu. Korende tiyarenge bwororo ekiagera emechando emenge iyarengео. Ritang'ani emechando egachaka ase ekanisa ya Yerusalemu. Ase engencho eyio Aborokigwa bagaserebanigwa gochia aaria na aaria bakarandia ring'ana (Ogokora 8:1-4). Buna ebiro bi'agendererete, abarumi bakamochia abakristo ase engencho ye'mechando yabo emenge na bakarigia kobaa egesusuro goetera abachandi ime ya rumi na ense yonsi ya rumi. Omoerio oye Paulo agasibwa na koirwa rumi ase ekegambero. Omogano koreng'ana n'obomanyi bwense etokomanyigwa ng'a abatomwa otatiga Yohana nigo baitetwe ase engencho ya Kristo. Amagana nechilifu na kero kende chimilioni chi'abakristo boigo bagasiria amagima abo. Nonya emechando yarengео, ekanisa ekagenderera kobao.

Tari emechando emenge yaagete ekanisa, korende naria abete ase ekani-
sa yoka enyene. Omotomwa Paulo agakwana igoro yokogwa. Ase amang'ana
ande, nigo atebete ng'a amatuko nache ekero ababwatani bw'ekanisa y'Omonene
baragwe ase okomocha. Korende tiga toigwe buna egoteba: (2 Abatesaloniki 2:1-
12): *“Bono baminto ase amang'ana 'ogocha kw'Omonene oito Yeso Kristo, na ogosangererekana
gwaito ase obosio bwaye, twababoririe, timotengechigwa bwango na gotiga ebirengererio biaino,
gose timoichanigwa na moika onde, gose namang'ana, gose ne rirube rigokagwa ng'a nkorwa
asetore riarure, erigoteba ng'a rituko ri'Omonene riakire kobao. Monto onde tabang'aina ase en-*

chera ende yonsi, ekiagera rituko riria tirigocha ogwatananekana na ogotaigwera gotaracha, na omosaria bw'amachiko, omwana bw'obosiru, aorokigwe. Ere nomoengereria, omweimokereria igoro omonyene, igoro yak era egekorokwa Nyasae, na ekegosasimwa. Naende nigo agoikaransa ase Hekalu ya Nyasae, okweraria omonyene ng'a nere Nyasae. Inee! Timware koinyora ng'a ekeronarengemo amo nainwe inabatebetie ayio? Na bono, erimotangete morimanyete, erio ekeronarengemo engaki yaye eraike anyare koorokigwa. Naki obobisi boria bw'ogosaria amachiko bwachakire gokora emeremo bono, na oria ore kobotanga bono goika arusigweo. Erio agwo omosaria oria bw'amachiko aorokigwe, na Omonene Yeso namoite nomoika bw'omonwa oye, na komosiria ase amasase 'okoorokigwa kwaye. Ogocha kw'omosaria oria nigo kore ogokora gwa Saitani, naende nkobe nokobua gwonsi, na ebikone, na amakumia 'oborimo, na ase obong'ainereria bwonsi bw'ogotaba boronge ase abwo bagosira, ekiagera bangete konyora ekeene, na kogiancha erinde banyare gotoorigwa. Ase ayio, Nyasae nabatomere obotantanu bwe chinguru, abakore begene ayare ay'oborimo, erinde bagambigwe bonsi abwo bategenete ekeene, korende bare kwegokia ase ayatari ay'oboronge."

Kagokwana n'abagaka b'ekanisa ya Efeso, Paulo agakwana (Ogokora 20:28-31): *"Mwerende inwe abanyene amo n'eriicho riria Omoika Omochenu obabegete mobe abarendi korisia ekanisa y'Omonene, eye enyorerete namanyinga aye omonyene. Namanyire inche ng'a nyuma ase okoimoka kwane chisese chi'orosana chitindi na chiche ase more, tichirorera riicho amabera, Naende korwa ase egati yaino abanto mbaimoke bagokwana amang'ana obong'ainere-ria, bang'use abarokigwa babatunyane., Ase ayio renda, moinyore ng'a ase emiaka etato, obotuko na omobaso, tinatigete gokurerera kera omonto ase amariga."*

Buna koreng'ana Paulo akorwa ogokurerwa, mbaria barengemo ime y'ekani-
sa bare koimoka na gochaka gosiria abatunyani abange ba, Kristo. Koreng'ana
n'omogano bwo'bomanyi etogotebigwa ng'a okogwa nigo gwachagete korwa ase
eserekari, gose ekeombe, gi'ekanisa. Koreng'ana n'omoroberio bw'Omonen no-
ria ng'a kera omosangererekano nigo oganeirie gwetenenera omonyene na koba
na abagaka na abakonyi babo abanyene. Nonya naboigo, buna ebiro bigender-
erete abange ase omosangererekano abagachaka koimokereria omogaka oyomo
igoro kobua abande, na omoerio bakarwa ribaga ase omogaka oyomo koraa eme-
sangererekano emenge, omoerio oye ekaba ng'a oyomo ochorirwe koba omotene-
neri bw'ekanisa enigma. Nonya nabo aya takoregete botuko, korende ase engaki
y'emiaka emenge, na boigo ase omwaka 606 Yeso gachire igoro. Omotenereri
omotang'ani ase ekanisa enigma akaba omotwe, gose papa, buna omoteneneri
bw'abatomwa ase ekanisa, ayio nkoreng'ana n'edini ye'gekatoliki koreng'ana
buna emanyekanete nonya ngoika rero iga. Ninki kiabete ase ekanisa y'Omo-
nene? Abegenwa bake bakagenderera, nonya naboigo bakaba bakogenderera

bobisi tibamanyekana ase abange, korende Omonene nariete eira ng'a oboruoti gose ekanisa nigo yare gottenena gose kogenderera kare na kare, nan abo ere igo.

Koreng'ana n'echidini chi'ense, ekanisa ye'gekatoliki egatang'ana na eba-ka ekoraa. Ase ekeene ekaba ekoraa ense na ase emiaka amagana amange eka-manyekana buna emiaka y'omosunte. Aya nase engencho ekanisa ya katoliki yan-ge-te korwa ribaga ase omonto onde bwesi gw'esomera ebibilia, na goteba ng'a nabasasiroti boka bancheire gosoma na koigwa ebibilia na gotebia abanto eki ebuku egokwana. Ekaba ng'a nabwo bagotebia abanto eki baganetie bamanye.

Ase engaki eyio nonya n'ekalisa ya katoliki egatananekana na koba n'echin-sagia buna bono rumi na eyabagiliki ase echio chikaba na'morokererio y'okon-yorokeria amache naboigo ebibugia. Korwa agwo ekanisa ya katoliki goetera oborai bwabo n'obonde bakamenta amorokererio ande koreng'ana n'omorobe-rio obo. Omoerio ase emiaka elifu eyemo na amagana atano (1,500) ekanisa ya katoliki ekaba egosaria amorokerio mono kobua korwa agwo omonto okorok-wa Martin Luther akagania goonchora ekanisa, na nigo arenge omokuani gose bw'abasasiroti. Korende, akaba ogochandwa, na agatiga ekanisa y'egekatoliki na kw'orokereria na gokora ekere boronge. Korwa ase aya agachakia egento ge-korokwa abapurositantisimu, na korwa ase aya nao chidini echio tomanyete rero iga chiaruete. Goetera ase ogokora okwo kwa Luther gokarimia okogania okonge ase ense na koirana ase ebibilia. Goetera ase aya, tibanyara kogenderera.

Ase omwaka elifu eyemo na amagana atano na abere, na boigo elifu eyemo na amagana atano na atato ekaba n'abanto b'echiduni ase Yuropu na Amerika abwo borosete n'ogwatananeka na ebura-buru. Ake-ake bagachaka gotiga amoro-kererio y'oborimo obwa bare nabwo na koirana boikeranu ase ebibilia. Okogania kwabo tikwarenge ase ogochakia ekanisa engeni korende n'okoirana ase ekanisa eyemo eye ogesomwa korwa ase amariko. Mbakorete bo, na korwa ekero ekio amorokererio amaikeranu ase emuma enyia koreng'ana n'obokristo bw'abeire bokoigwekana ase ense yonsi koreng'ana n'abanto chimilioni chinyinge chigati-ga amorokererio amwanyabanto erio bakaba abakristo na ababwatani b'ekalisa y'Omonene, na koba n'ebuku buna omotebereria obo.

Abakristo, ababeire bakogenda chinsemo chionsi chi'ense korandia ekeene, babeire bakomanya ekanisa na oboikeranu bwaye eyio egendererete ase chinse-mo chi'afurika, boindi, Rasia, Burundi, n'echinsemo chinyinge. Ekanisa boigo nereore rero iga buna koreng'ana yarenge agwo ritang'ani. Ngencho ende teiyo eragere oirane gochia magega komanya gose koenekia ng'a nero eyio ere eye-

mo ase ebibilia. Omoroberio bw'ekanisa noria ore ime yamariko, gatorayobwatie nigo tore ekanisa y'Omonene. Embusuro ne'ring'ana ria Nyasae (Luka 8:11) Omoreng'anio noro oyo: Embusuro nering'ana ria Nyasae. Na nigo ekwama keria keria nonya ngoika rero koreng'ana n'okwama koria koria yamete ase chingaki chi'Abatomwa. Okwama kwaye – n'abakristo abwo bare ababwatani b'ekanisa ya Kristo. Ntomanyete ng'a oboruoti bwa Nyasae ebware kobao kare na kare. Boigo nao yareng'e ase gete korwa rituko riria y'achagetigwe na nigo eragenderere kobao goika kare na kare, monto onde gose kerecha tari ore n'echinguru chi'okoyesaria. Eye nero ere oboruoti bw'Omonene, ekanisa yaye nigo ere n'obobui korwa omochakano goika omoerio, na omoerio nigo borabe amo n'Omonene.

Amaborio

1. Ng'ai togosoma omogano bw'ekanisa y'Omonene buna yachagete?
_____.
2. Mocha ki ekanisa yachagete? _____.
3. Mbarenga bamentetwe ase ekanisa ase chingaki echio?
_____.
4. Ng'ai naende echili yarandetigwe? _____.
5. Ara karenga Paulo atarete ase okorandia echili? _____
6. Ase abayaudi boka Paulo arandetie? _____.
7. Chinse ki ibere ekanisa yachagete ase emeremo ya Paulo?
_____.
8. Aborokigwa niki bakorete ekero basebererekonetigwe?
_____.
9. Nig'o ochandete ekanisa y'Omonene? _____.
10. Abatomwa mbarenga bakwete ase engencho okwegena kwabo?
_____.
11. Inee ekanisa iyakinete nonya nonya yarorete emechando?
_____.
12. Niki keria Paulo aruete ogokurera mono ase amarube aye?
_____.
13. Naki ogosarigwa gw'ekanisa gwachagete? _____
14. Niki kiabete ase omwaka 606 nyuma ya Kristo

(AD)? _____.

15. Niki kiabete ase ekanisa y'Omonene? _____.

16. Niki kiagerete emiaka amagana yarogetwe emiaka yomosunte?

_____.

17. Teba chismo ibere chiedini ebagete gochi _____.

18. Teba omonto ochagetie edini ya cathoric

_____.

19. Niki gekogera aychagetie? _____.

20. Niki enene kiaruete ase aya onsi? _____.

21. Mbanyare koirana boronge ase ebibilia? _____.

22. Nki kiabete amagana 17na 18? _____.

23. Abanto aba bachagetie ekanisa enyia ase okirana ase ebibilia koreng'ana n'ekanisa y'Omonene? _____.

24. Ekanisa eyio eyio ngotoka ere ase abakristo band ease ense eye?

_____.

25. Ekanisa y'ekeene ya Kristo negendererete goika bono?

_____.

Ogosoma 13

Ekanisa Ase Ekeru Eke

Ekanisa y'Omonene nigo yachagete emiaka chilifu ibere yaetire (2,000) Ogokora 2 korende nao ere nonya ngoika bono buna yarengese ase ekero keria. "Korende inaki aya aranyarekane," nabo oraborie. Nase okobwatia omoroberio bw'okobwatana okoyia igoro ye'Kanisana.

Nonya naboigo, teri boigo. Ase ensemu entang'ani, ntore naya Omonene agokwana ng'a oboruoti gose ekanisa yaye tegosirigwa korende nebeo kare na kare (Danieli 2:44; Luke 1:33; Abaiberania 12:28). Gaki, ekiagera twanyorire oboruoti obotanyare gotengechigwa, tiga toiranerie ng'a mbuya mono na komokorera Nyasa ease okomogokia amo namasikani na okoiroka. Aya nigo akworokia ng'a ekanisa nere ase ense korwa yachagete goika rero iga. Tiya-gendererete kobao ase aase ebiro bionsi ase ekeene. Ase ensemu ende, ntore n'oroiboro rw'oboruoti (Luka 8:11). Eyarendire koreng'ana namang'ana are ase Okobwatana okoyia. Onye yakorete abantu koba abakristo ase ekero keria ki'abatomwa, boigo nekore abantu koba abakristo nonya nase amatuko aya. Onye baria babete abakristo ase ekero ki'abatomwa babete ekanisa ase kero keria, naboigo ere nonya ngoika ekero eke. Rirorio, nkonyarekana ere koba ekanisa y'Omonene ase okobwatia Okobwatana Okoyia onye baria bare n'okobwatana okwo bagokora aya kogoteba.

Ase ebiro bionsi Nyasae naete abantu baye omoroberio babwatie. Akaa Nuhu omoroberio akobwatia ase kwagacha obwato (Omochakano 6). Boigo akaa Musa ekiorokererio kieema y'omosangererekano, na ogokurera, (Abaiberania 8:5): "*Abwo bare gokorera ayare omogwekano bw'amang'ana are igoro, na ekiriri ki'ayio. Naki ekro Musa arengese koroisia Eema eria, Nyasae akamotebia, "Rigereria, okore ebinto bionsi ase omogwekano bw'oria kw'orogetigwe ase egetunwa."* Naboigo ase Okobwatana Okoyia twamanoreirwe omoroberio omuya bw'ekanisa y'Omonene. Buna Nuhu na Musa baganeirie kobwatia emeroberio baetwe, boigo goika tobwatie omoroberio bw'ekanisa, na buna Nuhu na Musa babwatetie amang'ana a'Nyasae abachigete. Boigo Nyasae akagokigwa koreng'ana naya bakorete, ase igo ekero tokobwatia omoroberio bw'ekanisa, Nyasae nigo akogokigwa naya togokora ekero ekanisa egendererete kobao koreng'ana buna okonia kwaye kwarengese, korusia gotaiyo gose komenta gotaiyo (Okomanoka 22:18,19).

Inche igo ngokurera kera omonto oyokoigwa amang'ana 'obobani

bw'ebuku eye: omonto onde bwensi karamente, Nyasae namomentere amaakwa ayarikire ase ebuku eye; Na omonto onde bwensi kararusie ensemu y'amang'ana 'obobanibw'ebuku eye, Nyasae narusie ensemu yay ease omote oria bw'obogi-ma, na ase omochie oria omochenu, ayarikire ase ebuku eye.

Ebimanyererio bionsi bi'ekanisa mbibekire ase Okobwatana Okoyia. Omonene nakwanete ng'a ekanisa ninki, ekiagera ayechagete, na ng'ai yachakerete, na indi yachagete, nerieta ekorokwa, n'erieta riababwatani baye bakorokwa, na buna orabe omobwatani ase ekanisa eyio, ogosasima gw'ekanisa eyio, nermeremo y'ekanisa eyio, na ning'o ore omotwe bw'ekanisa eyio, rigori aakanerete ekanisa eyio, na omotoria bw'ekanisa, na ayande buna ayio ayio. Tatigetie ibaga rinde omonto aranyare gokagera ng'a nereri eye, gose ogokora kwaye nkoroki. Omoroberio oye nigo ore omoikeranu koreng'ana buna ring'ana ria Nyasae rire boikeranu.

Ase igo eki toganeirie n'ogosoma ebibilia erind tonyare komanya ekanisa eyemo y'ekeene koreng'ana n'ebibilia. Ekeru toramanye ekeene igoro y'ekanisa eyio, na gokebwatia, erio nario tarabe ababwatani b'ekanisa eyio, na ng'a nero ere ekanisa eye Kristo achagete. Embusuro nigo ekwama eki embusuro eyio ere, naboigo ring'ana ria Nyasae nigo rigokora abantu koba abakristo na ababwatanina b'ekanisa y'Omonene ase ekeru eke koreng'ana buna yareng'e ase ekeru keria.

Ekanisa ya Kristo, nereu ase ense engima. Nao ere aiga na kera aase, nabo erabe aande onsi kero kende gionsi ekeru omonto arakore eki ebibilia ekworokereria. Tekogenderera kobao ase nsemu ende yonsi yense ase abantu bagotiga gokora ayare ogwancha kwa Nyasae.

Ekanisa ya Kristo rero iga nigo egendererete gokina na gwesiarera ase engencho nigo ebwatetie ebibilia yoka. Na nigo ekwanga ogwatananekana na komokereria Kristo igoro. Eye nero ekaniosa yoka orasome ime y'ebibilia. Kanisa eye, teri edini gose tebatini n'echidini. Teri eyabapurotesitanti, gose abakatoliki, keombe kende gionsi. Nereri rende? Nigo ere ekanisa y'Omonene igo rioka. Nabo ere igo.

Ekanisa y'Omonene teri na motwe onde ase ense, gose bonene bonde ase ense. Gose koa montu onde bwensi obonene. Gose teri na boteneneri bonene koreng'a n'obong'aini bwa'mwanyabantu. Kera omosangererekano nigo bw'etenenerete na nigo ore n'omoroberio oye bw'abagaka na abakonyi babo abanyene, abarandia, na aborokia, n'ababwatani. Omobwatani onde tari ore

omonene kobua abande, ekiagera ekanisa tebwati abateneneri abare abanene kobua abande.

Ekanisa ya Kristo nigo ere n'ababisa ekero ase ekero, nonya ngoika bono. Chidini chiachagetigwe na mwanabanto nigo chikoamererania nero (Ekanisa ya Kristo) ekiagera nigo ere ekanisa etagwekaini n'echiabo. Nigo bwakwanga ekanisa ekiagera teri kobwatana nabarabwo gose teri kobaarigania ekiagera Nyasae nangete amorokererio abo. Mbamanyete ng'a ekanisa nigo ebwatetie amorokererio abibilia oka, nonya bakobwatia amorokererio a mwanabanto. Boigo mbamanyete ng'a ekanisa ye'bibilia nigo ekobwatia Kristo na yarokwa ase erieta riaye Kristo, korende barabwo nigo bakobwatia mwanabanto na boigo bachiroka ase amarieta akemwanyanto. Igo bebarete koba abakorwanerera ekanisa ya Kristo eyio etari bo, korende nigo bagotema goonchora chinkoro chiabanto, ko teri kanisa eyio na ayande amange. Nonya nabo emeremo yabo ne'yabosa.

Ekanisa ya Kristo yabeire nobobui ase emiaka emenge. Ababisa boni b'enseye na emeika y'obosiru yonsi tekoyetanga. Nigo ekororekana koba enke mono ekero ekoreng'anigwa na chiria chiyetanaine, korende manya ng'a n'abake baratoreke. Ekanisa y'Omonene nere ase emiaka emenge (Matayo 7:13,14). Kristo nigo are n'ekansa eyemo yoka, n'erituko erimo nairane kwoyia ekanisa eyio eyemo (Abaefeso 5:27; Yohana 14:1-6). Ere nere ore Omoruoti bw'oboruoti bwaye, nache koboiania ase Nyasae (1 Abakorinto 15:24). Nare nomoriakari oyomo bweka (Okomanoka 21:9). Nache rituko erimo kwoyia omoriakari oyio, ore n'erieta riaye. Inee! Abariakari bande rende? Gose chikanisa chinde rende? Nabatebie ng'a tabamanyetie nonya ngake. Nabasimorwe (Matayo 15:13). Mbasangererigwe na gotugutwa ase omorero.

Okogania na ogosorora gwaito n'okoba n'obokristo bore koreng'ana ne'muma enyia. Irana ase ring'ana ria mNyasae na boigo tiga ribe rigokoraa. Manya ebibilia erio nario oramanye ekeene. Kora aya egokwana erio n'otoreke na komentwa ase ekanisa y'Omoene, eyio orasome igoro yaye korwa ase bibilia.

Onye tori omobwatani bw'ekansa ya Kristo, etogokomanyia ng'a noganeirie obe omobwatani bw'ekansa ya Kristo. Mwegene Nyasae, onchoka korw ase ebibe biao, omoorokie Kristo buna Omwna o'Nyasae, na obatiswe erio otoreke (Mariko 16:16; Abarumi 10:10; Ogokora 2:38) Erio Omonene akomente ase Ekanisa yaye, na nobe Omokristo (Ogokora 2:47; Ogokora 11:26). Inee! Nokore bo? Onde tari orakobetererie gokora bo, korende kogosoma ebibilia

yao buya ntwegenete ng'a noganie koba omokristo, na boigo omenye obogima bwao bwonsi ase Omonene na koraria chimbebe chi'oboruoti bwaye.

Amaborio

1. Indi ekanisa yachagete? _____
2. Ekanisa nereyo nonya ngoika bono? _____

3. Nere ng'a goika omonto arenge ekanisa ye miaka eria erio koenekia ekanisa y'ekeene? _____

4. Ngoika riri Omonene atebete oboruoti boragenderere? _____

5. Embusuro y'oboruoti nererieye? _____

6. Embusuro eyio ninki ekwama ase amatuko aya? _____

7. Teba eki Nyasae aete Musa na Nuhu? _____

8. Ing'ai omoroberio bw'ekansa y'Omonene orikire? _____

9. Nga'i ebimanyererio bi'ekansa y'Omonene birikire? _____

10. Ninki Omonene agototobia igoro y'ekansa? _____

11. Inaki toranyare komanya ekanisa yekeene y'ebibilia? _____

12. Ngai toranyore ekanisa y'Omonene amatuko aya? _____

13. Ekanisa eye, n'edini? _____
14. Nebwate omotwe gose oboteneneri bay ease ense? _____

15. Ababisa b'ekansa mbarabiaba? _____

16. Ebirwanero biabo mbiribiebi? _____

17. Ekanisa nere nobobui ase kera ekero? _____

18. Ninki Omonene arache koirania? _____

19. Ogosaba gose okogania gwaito nkorokioko? _____

20. Karwe ebitambokero ebi omta agnerete goetera gose kobwatia erio amanye koba omokristo gose omobwatani bw'ekansa ya Kristo.

Koranche gitara erieta Ekeene, gose Oborimo.

Ekeene gose Oborimo. 1. Ekanisa eye Kristo achagete nere goika rero iga?

Ekeene gose Oborimo. 2. Chikanisa nchireo, korende n'eyemo ere eyekeene.

Ekeene gose Oborimo. 3. Nigo ekorokwa ase erieta ria Kristo.

Ekeene gose Oborimo. 4. Goika omta abe omobwatani bw'ekansa eyio erio amanye gotoreka.

Ekeene gose Oborimo. 5. Rituko erimo Kristo nairane ase engencho y'ekansa yaye.